

MINYAKO MWA MUNYAKO

1 . . . kwanu kakusasana cwana. Ne ni sweli kunahana za nako yaka hane ni taha kwa Flagstaff ka—ka nako yapili. Se kubile cwalo, Na sepa, mwendi seli myaha ye mashumi amalalu ka ye ketalizoho ni zetalu kwa mulaho, mwendi ki mashumi amane. Ne ni sweli kuambola ka za ku kambama lilundu. Nekusina neba mbundu, kono Model-T yaka ne ipalelwu ku kambama lilundu. Ne ikona kumata ka limaili ze mashumi amalalu fa hola, kono zeo ki limaili ze lishumi ni ketalizoho neku *le*, ni lishumi ni ketalizoho neli *le*, mwa ziba, mwa linzila zeñwi ze lubile ni zona kwanu. Mi neli kwa . . .

2 [Muzwale fa katala uli, “Kiñi ha u sa lufi toko ya Ford yani?”—Mu.] Muzwale Carl! [“Shangwe.”] Batili. U ni bulelela za toko nyana yene Ni nani nako yeñwi, ka Ford yaka. Ha ki sibaka sesinde sa kuifa, Muzwale Carl.

3 Kacwalo, lu itumezi hahulu. Mi Ni bile ni bupaki bo buñata hahulu kakusasana cwana, ka kuutwa kwa mizwale ba, ne ni katani babañwi ba baana.

4 Mi nekuna ni fela mukutazi ya na bulezi fa muzwale yomunyinyani wa mu Spanish yana file . . . nako nyana ku mushimani wa hae kuli aopele. Hanili neli nto yende yani kwa mushimani wa lilimo ze silezi za kupepwa? Mawi, linzwi nyana lelinde le Ni kile na utwa fateni, la mushimani yomunyinyani ya cwalo.

5 Cwale, muzwale yo, mizwale ba libezi zateni, kono una ni mukopano mwa muleneñi wa mina moo. Ni sepa kuli ki kwa church of God, kamba Assemblies of God? [Muzwale uli, “Assemblies.”] Assemblies of God, kwani kwa Assemblies of God. Mi Na sepa ba ka itumela kwa—kwa kubateni kwa mina. Kana mukopano ukanga mazazi amakai, muzwale? [“Kufita la Sunda.”] Kufita la Sunda. [“Lasunda busihu.”] Kufita la Sunda busihu. [“Lu kaba ni sebelezo ya lipina busihu boo.”] Sha? [“Luna ni sebelezo ya lipina.”] Sebelezo ya lipina. Cwale kaufela mina mu memilwe ka tabo kutaha kwa mukopano woo. [“Ka sebene-seti.”] Sebene-seti, busihu boo. Mi keleke i inzi kai, muzwale? [“113 West Clay.”] Kanauka lu bulelela fela fo i inzi? [“113 West Clay.”] 113 West Clay Street, ona mwa muleneñi wa Flagstaff woo. Mi—mi Ni ziba hande kuli mu ka eza cwalo . . .

6 Kana mushimani yomunyinyani yo utile ni wena? [Muzwale uli, “Batili.”—Mu.] Batili, bo ndatahe ba ka opela. Wa opelanga, nji cwani? Kihande, ki zende zeo, Na tabelanga fela zeo, ka nako iliñwi. Kihande, zeo ha ki za kamita mwa bona; kono zeo, hañata, haiba kuna ni talenta iliñwi mwa lubasi, izwa mwa—mwa hala babañwi bateñi kaufela, Na sepa. Kacwalo bana

ni . . . [“Kaufela zeo neli kalezi mwa kuitima lico ni kulapela, Muzwale Branham.”] Kuitima lico ni kulapela, cwale zeo—zeo ki zende luli.

⁷ Cwale, mwa ziba, haiba America, kaufela hamoho, mabasi a luna a America kambe na ka ba cwalo, kihande, ne ba ka leleka fela mapokola kaufela bona. Mileniamu nei ka kalisa, nji cwani? Ne lu ka ba fela mwa sikwata sesinde luli kanti. Yeo ki niti. Lifu kaufela ne li ka fela ona foo, matuku kaufela, maswabi, maswabi kaufela, mi ne lukaba ni Kreste.

⁸ Kacwalo, lu tabile, mi Ni utwa bupaki bobunde bo kaufela! Mi ne nibile ni lithohonolo la kukopana ni Muzwale Earl, ka nako yaka yapili. Mi—mi maabani manzibwana Ne ni sweli kuambola ni musala hae, mi—mi u bizizwe ni ku foliswa, linako zeñata nyana, mwa mikopano; ali, kwa mukopano o felile nali fa katala.

⁹ Kacwalo, zeo li lueza babanyinyani kwatene, kuba ni lisheha nyana. Ne ni si ka hupula Muzwale Earl, ni ha ne Ni muswelni mwa lizoho kokuñwi. Mi—mi Ne ni inzi fa lihaul, maabani busihu, inge ni mu libelezi kuli atahe kwanu. Mi muuna muhulu yomutelele ataha, ana ni mulelu o museu wa limbi. Na li, “Ki yo ufitile.” Mi cwale hane . . . Billy, mwanaka wa mushimani, “Oh, batili,” ali, “yani ha ki Muzwale Earl. Ki mwanana nyana kufita muuna yani.” Mi kacwalo he Na kopana ni Kezeli Earl kwanu maababi manzibwaa, mi ne ni bile ni lithohonolo la kuba mwa lapa labona lelinde kwanu mwa muleneñi wo.

¹⁰ Se ki sibaka sesinde. Ni tabela ku si bizanga kamita kuli *flagpole* kufita kuba Flagstaff, fahalimwa lilundu le, mwabona. Mi, Na mi bulelala, haiba kuna ni yomuñwi mo yazwa kwa Texas, cwale mu bulele fela. Ne ni zwile kwa Tucson, maabani, mwendi neli bukaufi ni sebente-tu kamba sebente-faifi, fokuñwi mwahali mwani, mi kina yo fa kakusasana cwana ni koti ye ni cepeta yenitinile. Mwabona, ze ba nani mwa Texas, luna ni zona mwa Arizona, nji cwani? Yeo ki niti. Ki luna ba ona fa.

¹¹ Nako ye ya kopano! Muuna muhulu Dokota Bosworth, mulikana ka, buñata bwa mina mwendi mu mu zibile Muzwale Bosworth. Neli alimuñwi wa bana bahulu baba kenile hahulu. Mi kiha li kuna nako yeñwi, ki hali, “Muzwale Branham, wa ziba seo *kopano* ili sona nji?”

Se nili, “Na sepa cwalo, Muzwale Bosworth.”

¹² Ali, “Ki balikani bababeli mwa sisepe silisiñwi, kona kuli bana ni kuikabela zeñwi nyana.”

¹³ Kacwalo yeo kona kopano shangwe, lwa amuhela ni kufa, kuikabela ni babañwi; ni Muzwale Carl Willims, ni babañwi kaufela, Muzwale Outlaw. Oh, alimuñwi wa batu bapili mwa Arizona yakile atusa mikopano yaka, neli Muzwale Jummy Outlaw, mi lubile mizwale ba fa sifuba kuzwa ka nako yani. Mi lu tabile hahulu ka mina kaufela, kwa bakutazi ni mizwale ye lu kopana ni yona kwanu. Hanina nako ya kuswalana mwa mazoho

ni mañi ni mañi, sina mo Ni latela kuezeza, kono ki kopano ko lu taha hamoho.

¹⁴ Si ni hupulisa fela ka za—za mukopano wa mwa Phoenix. Ni bile ni litohonolo, kuzwelela fo likalezi likundi ze sapili, kuli—kuli ni tuse kuongaonga likwata ni kuambola ku zona. Mi kona katengo fela a nosi ko Ni fumaneha, mi ha ki kopano. Ki katengo fela kaka beleka mwahala sicaba.

¹⁵ Mi haiba babañwi ba mina baana mo kakusasana cwana, baba—baba sa fumanehi kwa kopano ye, yona ya Baana ba Pisinisi ya Sikreste ya Evangeli ba, Evangeli Yetezi mutuhele... haiba mu lumela ni kunga linzwi la ka, ki silisiñwi sa likwata zende hahulu za batu. Mi—mi kwa mizwale ba bakutazi, ha ki kulwanisa keleke ya henu, ki za keleke ya henu. Mwabona, ki mukwa wabona wa kubeya mwa—mwa keleke.

¹⁶ Ni talimile fela kwa ni kwa nikubona kalibe yomunde yo fa ya sa zo opela pina yani linako nyana zefelile. Ni utwile babañata babalikile kuiopela, kono kalibe yani ubile ni linzwi le likona ku ilwala hande, mwa ziba, kusina kuopela ka mutengo, cwalo. Ni ilatilé luli, kalibe, neli yende hakalo, kalo. U bulezí kuli ki musala mukutazi fa. Mi, muzwale, ano ku opelelanga kuli ulobale busihu ni busihu, kuli za hao likonde, kukonda hande luli. Neli muopelelo o munde luli. Na i tumela kuzona.

¹⁷ Mi, kakusasana cwana, si ni hupulisa likande nyana—likande nyana la kale. Kuli, Na—Na lata kuzuma ni kuyamba, mi leo ki leliñwi la mabaka o Ni bezi mwa Arizona, kacwalo, ki kuya kwa kuzuma ni kuyamba. Mi Na lata cwalo. Mi kacwalo Ne ni sweli kuyamba nako yeñwi mwa New Hampshire.

¹⁸ Mi Na sepa Ni nani balikani babañata mo ba ba tabela kuyamba, bubeli bwa baana ni basali, hamoho, mwabona. Kaufela lwa tabela cwalo.

¹⁹ Kacwalo Ne ni na ni tende nyana yene ni bapuzi kwani fahalimu, mwa ziba balikani bani, neli nto ye bukiti nyana, ne ni palelwa ku kambama ni yona fahalimu fani. Mi nekuna ni zende kwani, lingweshi zeñata, ze fubelu, ni linjinji, likokwe. Oh, litezi fela, ona tunuka twani to tu shetumuka kuzwelela fahalimwa malundu mwa New Hampshire. Ni liñwelele zenyinyani, mwendi fotini, ma inci a sikisitini cwalo mwa butelele, beli zeñata fela za zona! Mi Na fela... Ne ni ya kulo kwani ni ku liswala, ka kutabela fela ku liswala, ni ku li tuhela za ikela. Haiba Ni bulaya iliñwi, kona kuli Ni—Ni ca ona yeo, mwa bona, ku taha ni yona.

²⁰ Kacwalo Ne ni zeñwi za likwalata za kale ze ne hula, mi—mi nako kaufela ha ne Ni cincanga swala yaka... Neni na ni Bulo Bwakupanga. Ne ni cimbeka mwateni ona bwani, Ni ku ka potolosanga fa sicacani se li lata kufulanga likwalata. Mi Na hupula kuil, “Kihande, Ni ka ya ni silepe fahalimu fani, kakusasana cwana, ni—ni ku yo lema sicacani sa likwalata sani, kuli Ni si ke na kakatelisa kashuto kaka kwateni.” Oh, Na talima

kwa mulaho mwatasa kanto ka kale . . . inge kasa ka ngeti cwalo, mi neliliteni fela mwani, inge lili belela fela ona Bulo bwani kuli li bunge. Cwale, busihu kaufela . . . Ne ni bulelanga kuli, “ni na ni milili yaka,” kono ha Ni sana milili yemiñata ya zona kuli likene mwateni cwale. Kacwalo Ne ni hani . . . Na fela . . . zona fela ka mone—ka mo ne li ka li swalela. Mi kacwalo Na ya kwani, kakusasana wani, na lwala capu yaka, mi na lema sicacani sani. Mi na shuta zetalu kamba zene, ze ne ni ka yo ca kuba mukushuko, ni kukuta. Mi Na ha ni muapehi ya ziba hande. Mi kacwalo Na bulelela musala ka kuli Ne ni sa koni ku futumaza mezi kusina kucisa mupika kacwalo wani ikona kuba musebezi o maswe wa muapehi.

²¹ Kacwalo, mwa musipili waka wa kukuta, nekuna ni bere ya mushemi ni twana totubeli, mi ne li keni mwa tende yaka yenyinyani. Mi mubulela ka za kuketauha kwa mawili cwalo, ha u mu zibi liwili mo likona ku kuleha kufitela u tuhelela bere ku kena mwa tende. Yena, ha ki ze ba sinya . . . se ba ca, Ni talusa, kuli ki ze ba sinya. Ne ni na ni sitofu sesinyinyani, sitofu nyana sa itusisanga mulisana kulo kwani, mi ne li taha fa sitofu nyana sani ni kutulakela fateni, kuli na utwa mupila inge u pazuha, ni ku ka pazaula fela mwa liemba emba, mwa ziba. Mi ha Ni yo fita kwateni, Ne ni na ni tobolo nyana ya .22 yeneliteni mwani, kono Ne ni nani capu ye mwa lizoho.

²² Mi, mwa ziba, ha Ni yo fita kwani, mahe a matela kwa neku leliñwi, mi abiza bana ba hae. Mi kana kalikañwi ka latelela, ki kao kaya fela hande; kono kakañwi kaitulela kali kuina, neli kafolofolo kakalikani fela cwalo. Ka kweli ya Kandao, mwa ziba, ka zwa fela cwalo. Ne ka sikululeho mukokoto kuna, *cwalo*. Mi Na hupula kuli, “Kiñi ze ka eza?” Kihande, mi se ka ni talimela. Mi Na bata kota, kuli ni bone fela mo—mo ne ibezi bukaufi, kakuli ya kona ku ku falula, mwa ziba, bafeñisa twana twani. Mi, zona, hamukoni kuhuwa kuli lisabe, mwabona. Kacwalo Na buha fela mahe yani fa nako nyana, mwa ziba. Azwelapili ku biza twana ona cwalo, ni kutaza lilata, kueza inge nyunywani. U lukela kuziba mo i utwahalela iliñwi. Kacwalo azwelapili kubiza kana kani, kono mwana yani na sa lati kutaha.

²³ Kihande, Na hupula tobolo yaka. Mi Na hupula kuli, “Awa, haiba Ni matela kwani ku yo pamula tobolo yani, haiba Ni kunupa mahe, kusiya tundiyala totubeli mwa mushitu,” mi Ne ni sa lati kuba ni mulatu o cwalo. Mi, kwanda zeo, mushemi nasweli kuhona, tobolo ya twenty-tuu yani neikaba yenyinyani, mwa ziba. Mi fokuñwi mane ne i sa lilangi, una ni ku inata halalu kamba hane kuli i kunupe. Kacwalo Na hupula kuli, “Kihande, Ni ka kena fela mwa kota yani, haiba ika kala kutaha kwanu. Ni ka pahama fela kwa kota, ni koyle fela tupa ni ku li shapaka fa ngo.” Lingo za zona libunolo hahulu. Mi li ka lila luli, mi ni ka tuluka, mwa ziba, mi kipeto za kusiya. Kacwalo Na hupula kuli, “Ni ka pahama kwa kota yani.”

²⁴ Kono kundwanduka kwa mwana yani, oh, ali kuina ona *cwalo*. Mi Na hupula kuli, “Ki sikamañi sa ka eza?” Kacwalo Na tundamena ku zamaya cwalo, inge ni i talimile, mwa ziba, inge ni shenyeza kwahule, ni kuba bukaufi ni kota, kakuli mushemi nasweli fela kubiza mwana hae. Kacwalo Na ya fahule nyana, mi kikuli mwa ziba za na ezize mwana yani?

²⁵ Cwale, Na lata mañende a ezizwe fa ndongo, kamba a lubilwe hande ni bupi, kwanu. Kwani kwa Mboela, lu a bizanga kuli mañende a ndongo. Mi ha Ni zibi hande mwa ku lubela mañende ani, kono Ni ziba hande mwa ku a cela. Mi, mwa ziba, Ne ni li wa Baptist. Ha ni latangi kulamba ka kunyanyabeka; Ni tabela ku a cimbekanga, ku lombweka shuka yani fateni. Kacwalo Ne ni bile ni likapa la linosi, likapa mwa butelele *cwana*, le ne lili kwani, neli licika la buleke la li ku cikimana linosi la kulamba kwa mañende aka ao.

²⁶ Mi kana kani, mwa ziba, bere ilata lika zemunati, mane. Ne se ingile buleke bwani bwa linosi ni ku bu kwalula. Mi ne ikubami fani inge ka cimbekanga lizoho la kona leli ki kima *cwana*. Mi ne ka bu sweli mwa mazoho, mi ne ka sweli fela ku cimbekanga kahutu ka kona mwateni, ni kulwaza ona *cwalo*, mwa ziba. Yeo ki niti. Mi ne ka sweli kuitwazaka ni kalimi ka kona kani. Mi Na kala... Mi kambe Ne ni na ni kamera, Ne ni ka tabela kubonisa seo kakusasana *cwana*, kuli mubone fela. Mi ne ka li fani, inge ka beile lihutu la kona mwateni mwani, ni kulwazaka ona *cwalo*. Mi Na huwa kuli, “Zwa foo wena,” sina *cwalo*. Mi ne ka si ka ni iseza ngana mane, katundamena fela ku lwazaka ona *cwalo*. Ka siya buleke bwani fande, mwabona.

²⁷ Mi Na huweleza ku kona sina *cwalo*, mi ka sikuluha ni ku ni talimela sina *cwalo*. Na ka sa koni kutona kuapula meto, ne ka tezi fela linosi, mwa ziba. Kwa meto a kona kaufela, mba ya kona yenyinyani, itezi fela masila mo ne akona kubela! Mi cwale, kasamulaho wa nako nyana, ka talima kwa nekuli leliñwi, ka matela ku maa kona. Za ka isa fahalimu fani mwa mushitu ni kukala ku ka lwazaka. Ne li saba kuina fa buleke, kono ne li ka lwazaka.

²⁸ Mi se Nili, “Haiba wani ha ki mufuta omunde, wa mukopano wa kale wa pentekota; kutala fela bunde ka buñata, lika zemunati, kufita fahule, ni kuli yomuñwi a ku lwazake *cwalo*. Wani luli ki mukopano omunde. Cwale lutaha fela sina *cwana*, kuli lu beye mazoho aluna mwa buleke, mañi ni mañi wa luna, lu otolole liñokolwa zaluna, kwa limbuyoti za Mulimu. Mi Ni ziba hande kuli mu ka fumana zeo kwa ancafazo yelitemi kwa Assemblies of God, yesweli kuezahala kulo kwani. Mulena ami fuyole.

²⁹ Ne ni bulezi kwani kwa Phoenix, zazi leliñwi, hanyinyani... Ni sepa kuli ne li si ka utwahala kuba kashwau, ka za lisheha nyana kuama mukutazi ya na yanga kwa katala kakusasana ni

kakusasana, ka myaha ye mashumi amabeli, yekwanile, na ka kutaza mizuzu ye mashumi amabeli, mi ni ku feza, mi kacwalo ne ba si ka utwisia libaka lateni. Mi kacwalo, kakusasana omuñwi, a kutaza ka lihola zene. Mi ma—ma madikoni ba mu bizeza kwa mulaho, mi—mi bali, “Mulisana, luli lwa kulata.” Bali, “Lu—lu nahana kuli mañusa a hao ki amande.” Mi bali, “Lwa ziba, kakuba katengo ka madikoni, lu ku lemuhibile ni ku kutomela nako, unganga fela mizuzu ye mashumi amabeli la sunda ni la Sunda kakusasana.” Mi bali, “Kakusasana wo neli lihola zene.” Ali, “Ha lu utwisisi fela.”

³⁰ Ali, “Ni ka ku bulelela, mizwale.” Ki hali, “Kakusasana ni kakusasana, ha Ni ya kwa ku kutaza,” ali, “ha mu ni bizezanga kwa katala, Ni mumunanga iliñwi ya maswtiti abizwa Life Savers a kuibeya kwatasi a lulimi. Mi,” ali, “mwa mizuzu ye mashumi amabeli, switi ya Life Savers yani ha se ifelile,” ali, “Na—Na—Na feza,” ki hali, “Ni ziba kuli seli nako ya kutuhela.” Mi ali, “Mafosisa a kakusasana kacenu, Ne ni beile kunupo.”

³¹ Carl Williams, Jewel Rose, mizwale tenyene baka ni balikani, ne baile kwa tolopo zazi leliñwi, ku yo nga kunupo yelikana butuna sina *cwana*, ku to nifa, mi, kono ha Ni na yona kakusasana cwana. Kacwalo, lu itumezi fa kuba mo.

³² Cwale, kana kuna ni ya ziba Dokota Lee Vayle kubabali mo? Ha ni sepi cwalo . . . mwendi hakuna. Na li mukutazi wa Baptist, Muituti waza Bulapeli, mi una ni ma digiri a hae mane. Na li muluti wa sikolo se si pahami, ka kukala, mi yena ki muuna yomunde, yaitutile luli. Mi matepu aka a *Masika A Likeleke Zesupa*, Ne ni a lumezi ku yena, kuli alukise hande sikuwa kuona. Kakuli, lipulelo zaka za Kentucky za “hit, haint, ni tote, ni carry, ni fetch,” zani ha li zamaelangi hande ni sicaba se si balanga libuka, kacwalo na ka ni lukiseza sikuwa sa yona. Mi he, ha sa felile, a li luma fa linako zeñata nyana, kuli kube makande amatelele. Zeo, buka i ka hatiswa cwale, mwendi kasamulaho wa lilimo zetalu kamba zene.

³³ Na ni buzize, ki hali, “Kikuli Na kona kuiñola buka ye, ka litaba zaka fela?”

Mi se nili, “Kihande, ku lukile, Muzwale Lee.” Mi Na hupula kuli . . .

³⁴ Mi ki hali, “Ni ka ku bulelela nto yeñwi.” Ali, “Ha i lukelwi kulekiswa; ifiwe fela mahala.”

Se nili, “Kihande, kanti, Ni sepa kuli zeo ki zende.” Mwabona?

³⁵ Mi kacwalo nebana ni tuso, mwendi neli batu baba lishumi bene ba tusa, yene ba tandile mali akuma mwendi fa madollar aeza mianda ye fifitini, Na sepa, kuli li be ze teni sauzaande za zona. Mi kacwalo luna—luna ni zona, li zwile mwa kuhatiswa fa mazazi nyana afitile, mi luna ni fela zepeli kamba zetalu, maabani, mi Billy na li tisize kwanu. Mi li—li filwe kale. Cwale,

Ha ni si ka li bala kale, Ha ni zibi za bulezi kuzona. Kono Nina . . . Se ki ka tumelo. Kono Na ziba, haiba mu tabela kuba ni iliñwi, haiba mukona fela ku lu ñolela, i ka lumelezwa ku mina, mahala. Mwabona? Mi i bizwa kuli *Mupolofita Wamwa Linako Zacwale*.

³⁶ Mi cwale Ni lemuhile mwa siswaniso fa, kwa pata a buka, buñata bwa mina muna ni siswaniso se, eni sha, mi mu Si boni, kwani kona koo Lingeloi la Mulena ne li swanisizwe kwa Houston, Texas. Kono ne ba sehuluzi siemba sa Lona kwatensi.

³⁷ Mi Ni bona kwa mulaho kwa. Mi ki babakai mo babakai baba fateni mwa mikopana yaka, ha lu boneñfi? Ni sepa kuli buñata bwa mina mubile mwatensi. Mu ni utwile fateni ha ni bulezi, linako zeñata kuli, "Muluti wani usweli kulepelela fa toho ya mutu." Cwale, mwabona, haiba u bulela taba, mi haiba ha ki niti, Mulimu hana kuba ni sa kueza ni sona. Mwa ziba Mulimu ha fumanehi mwa buhata, kono yena fela U yemelanga fela za niti.

³⁸ Kacwalo ha Na bulelezi Mushe, nako Ya mu katana kwa mulaho kwani mwa lihalaupa, mwa Siita sa Mulilo, kwa mulaho mwa sicacani se si tuka sani. Mi cwale ha Na lukuluzi sicaba sani, ni bene ba ka latelela Mushe, mwa musipili, mi ki Ha tuluka fa Lilundu la Sinai, ona Siita sa Mulilo se si swana sani, ni ku to paka kuli sana bulezi Mushe neli sa niti.

³⁹ Cwale, Mulimu uka eza cwalo. Yena kamita uezanga ona cwalo. Kacwalo Liseli le *fa*, eni sha, lu Li tamahanya ni Mulimu, kakuli Lina ni sibupeho se si swana ni lika kaufela za Na ezize ha Na li fa lifasi faa.

⁴⁰ Mi cwale ka seo, bali, "Mutu yo fa, Ni bona kuli u apesizwe ki muluti wa lifu, muluti o munsu." Ki babakai, buñata bwa mina mu utwile zeo ha li bulelwa! Kihande, kwanu ha ki kale hahulu mwa mukopano, nekuna ni mutu ya na lata kubuha, na bata kubona haiba na ka napula siswaniso sateni, ka nako ye ne Li bulezwi. Kacwalo bona . . . Nekuna ni kalibe yana inezí bukaufi, mi muuna yo nana ni kamera. Mi se Nili, "Kalibe yo yainzi fa, ki musala Bo. mukete ba *Kuli-ni-kuli*," seo kaufela sili sona. Se nili, "U apesizwe ki muluti wa lifu, kono una ni kansa." Mi ona fani fela a pikica siswaniso, kakuli na li fakaufi luli. Mi ne siliteni fani, mwabona, ona muluti wani kwa toho, kansa yensu ya lifu inge i lepelela fahalimwa musali. Mi cwale Moya o Kenile wa bulela hape . . .

⁴¹ Cwale, ha ba to ñola seo mwa buka, ne ba si sehuluzi kwatensi, kacwalo ba beile fela se mwateni mo kuli bahatise buka. Mi kona ha mu ka bona likele le li kumuuhile lani mwateni. Ni sepa kuli ba *The Voice Of Healing* kibona bene ba ihatisize.

⁴² Mi cwale se li ya mahala feela. Mi ba batusize kuli buka ñiolwe ba ñozwi kwa mulaho wa buka, bene ba beile mwateni ma dollar aeza mianda yefifitini, kuli ikone fela kuzwela kwa sicaba,

kuli nyangela ikone kuipalela yona. Kacwalo, ki ya mahala, mi ki buka nyana yenyinyani. Mi ha Ni zibi zeñozwi kuyona, Ha ni si ka ibala kale; Ndate u ziba cwalo.

⁴³ Kono mwabona, Neili cwalo, ku na, Ki Niti yetiile. Sani kona se lu bata, ki Niti. Jesu naize, "Mu ka ziba Niti, mi Niti i ka mi lukulula." Mi ki Yena Niti yani. Ki yena, Jesu, Mwana Mulimu, ki yena Niti ya Linzwi, kakuli Nali yena Linzwi leli ezizwe nama. "Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna." Mi, sani sa Mu eza kuba Niti, kakuli Linzwi kona Niti, mi Nali yena Niti.

⁴⁴ Cwale ha lu Mu bona ha kuta mwa mazazi a maungulo aa, ona muzamao tuna wa Mulimu woo, ku zamaya mwahala linaha za lifasi, ku kopanya sicaba sa Munyaliwa, yeo ki Niti.

⁴⁵ Lilimo za kwa mulaho, ne baize, "Nekusina sika sa kuli kubulela ka malimi. Neli bukuba." Mulimu na sepisize cwalo, mi A li bonahalisa kuba la Niti. Yeo ki niti.

⁴⁶ Yomuñwi ubulezi, kakusasana cwana, Ni lumela kuli nel kezela luna ya ishuwile fani ya talimana ni bana hahulu ka za kolobezo ya bona, mi ali, "Mwa kona ku utwa mutu ya bulela ka malimi. Kono, ku utwa mutu ya opela ka malimi, mwabona, neli nto yende luli."

⁴⁷ Na hupula zibo yaka yapili ka zeo ned Nili kwa Rediger Tabernacle mwa Fort Wayne, Indiana. Mi ne Ni bulela, ka za kuba ni sebelezo ya foliso, kasamulaho wa lifu la—la Muzwale B. E. Rediger. Mi Muzwale Bosworth na bile teñi kwani, Paul Rader. Mi buñata bwa mina baana bahulu, sina na, mwa hupula Paul Rader; mi nali wa Baptist, mi neluli cwalo, kacwalo neluli balikani babatuna. Mi kacwalo hane ni ambola kwani, ne ni ya kwa kulapelela bakuli. Neli nto yenca kubona nako yani. Kono kalibe atisa mushimani nyana kwani, yanali sihole, mi, ha natile kwa kataala cwalo, pono ya Mulena ya bonahala ni ku mu bulelela butata kaufela bwa mwana. Mi Na buza musizan kuli anife—anife mushimani yani.

⁴⁸ Cwale ka bupaki fela bwa kezeli, kuli mukone tabo ni seo buino bwa luli bwa—bwa sishemo sa Mulimu lili zona, sene Li kona kueza, ha Li beleka kuya ka Linzwi la Mulimu, mwabona, sepiso ya Mulimu ya hola yateni.

⁴⁹ Cwale, sepiso ya Mulimu ku Nuwe haina ku lu belekela kacenu. Sepiso ya Mulimu ku—ku Mushe, halukoni kuba ni Liñusa la Mushe. Mushe na si ke aba ni liñusa la Nuwe. Luna ni Liñusa la hola ye. Ne lu si ke lwaba ni liñusa la Luther. Ne lu si ke lwaba ni liñusa la Wesley. Ye ki nako isili. Mulimu u file Linzwi la Hae mwa lusika lufi ni lufi. Mi lusika lwateni ha lu taha, U luma yomuñwi kwani ku to paka Linzwi lani, ku to bonisa kuli yani kona niti. Mi cwale lubona ku lufi ni lufi nako yani, inge fela Jesu mwa na bulelezi inge Asali mwa lifasi, Na ize,

“Mu yaha mabita a bapolofita, ni bashemi ba mina kona baba ba beile mwateni.”

⁵⁰ Cwale, sicaba sa hesu ki Makatolika, sina ha mu ziba, kakuba muuna wa mu Irish. Cwale luna... Cwale bona—bona ba ambola ka Muhalalehi Patrick, ba Katolika baipapata yena. Kihande, ki wa Katolika fela sina mo Ni inezi. Ba ambola ka za Joan wa Arc. Ba cisize musizana yani fa sitoli, ka kuba muloi, kaufela lwa ziba cwalo, kakuli neli wa mota mi na bona lipono. Kakuli, lilimo nyana ze mianda kasamulaho, ba kata mibili ya baprисita yani, ku bafa koto, ni ku inepela nuka. Kono zeo ha ki zona zelukela, mwabona.

⁵¹ Kamita ba li mbwinjanga. Mutu kamita ukana a lumba Mulimu ka Sa eelize, u talima kwapata ku Sa kaba sona, kono utoboha Za sweli kueza. Sani kona fela sibupeho sa mutu. Mi ha si ka cinca sibupeho sa hae, yena muuna wa lifasi mubu.

⁵² Kacwalo lu fumana kuli Liñusa la luna kikuli, kacenu, Liñusa le lu nani, la kuli, “Amuzwe mwa Babilona, mi mu lukuluhe, mi—mi mutale ka Moya, ni kuli malambi a mina atuke hande, mi, ni kutilima mwahalimu, kuliululwa kwa luna ku sutelezi,” lika ze ki za buenyi kwa batu babañata baba buyela ni kubiza Libizo la Mulena luna lelinde.

⁵³ Kono niteñi mwahala zeo kaufela, haluna se lu nyaza batu bani kasona, ona sicaba sa ba likopano sani. Ba iketile, ki babande. Bona ki baluna—ki balikani ba luna mwa Evangelii, kakuli Jesu naize, “Hakuna mutu yakona kutaha ku Na konji Ndate Ha mu bizize. Mi—mi kaufela ba Ni file Ndate, ba ka taha.”

⁵⁴ Kacwalo, luna ni fela musebezi wa kucala Lipeu. Zeñwi neliwezi fakaufi ni nzila, zeñwi mwa mibu yeshutana, zeñwi zawela kusili mi zabeya mwanda. Kacwalo, luna lu bacali fela ba Lipeu. Mulimu ki Yena Ya Li zamaisa ha Li sweli kuwa. Mi cwale lu lapela kuli mwendi, kakusasana cwana, ku kaba Peu yenyinyani ye ka wa kokuñwi, zeo likona ku susueza mutu. Mi kakuba fela mu—mu—mu mutu...

⁵⁵ Ka kufeza bupaki bwaka ka za kalibe yomunyinyani yo ne Ni ka ambola za hae. Kalibe yo na tisize mbututu yomunyinyani yo, mushimani yomunyinyani, Na sepa, mwendi wa myaha ye lishumi, ye twelufu ya kupepwa, mi mwendi isiñi yahulile cwalo, kakuli musali yo na mu nanuzi. Mi a mu tambeka yena. Mi ona fani fela, hane Ni sweli kulapelela mwana, mwana yani atula kuzwa mwa mazoho aka ni kuya inza mata fa bulilo kutula fa katala, mwahala batu baba kuma fa mianda ye seti-faifi kamba fo sauzande cwalo. Mi ba si no eza cwalo, nto yapili ye bakile babona iezahala, bomahe, inge bainzi fa sipula sa kwapili, ba welela fela ni kuwela kwapata kupatama. Mi musizana nyana wa mu Amish...

⁵⁶ Kana mwa ba ziba ma Amish? Ha ni zibi haiba mu ni bona mo, ki ba milili yemitelele, ki batu babande luli, mi ki baba kenile luli ni mufuta omunde. Mwa ziba, mwahala ba Mennonite kaufela, kamba ba Amish, ni babañwi cwalo, haluna nihaiba paho iliñwi ya mutakafululele wa banana. Mu babize kuli ba zizilika haiba mwa lata, kono luna—luna ni se si tondahala mwa malapa aluna, se ba nani bona. Habana neba paho iliñwi mwa likuta, ka za—za banana ku sa utwa mwahala bona. Ba lika kuhulisa bana ba bona, ka nzila fela iliñwi, mi kona mo ba hulela ona cwalo.

⁵⁷ Mi yena kalibe nyana yo neli mulizi wa piano, neli musali nyana yomunde, wa milili yemitelele, ye kamunezwi hande kwa mukokoto. Mi ha to talima fabuse . . . Cwale, nali wa ba Amish, hakuna za na ziba ka za Pentekota, ni Na hakuna zene ni ziba. Kono ha na talimile fabuse bwa katala, ni kubona mushimani yani inge azamaya, inza ya fabuse fani, a nanulela mazoho a hae mwahalimu.

⁵⁸ Cwale, Ni ziba kuli kuna ni kufiteleza kwa tumelo, mi Ni sepa kuli ha Ni si ka itemaza ka zona. Ha—Ha ni lihata. Mi Ha—Ha ni cwalo. Haiba Ni fosa, Ha—Ha ni fosi ka boomu, Ni fosa ka ku sa ziba.

⁵⁹ Kono musizana yani a nanulela mazoho mwahalimu, mi milili yani yawela fa maheta a hae, mi akala kuopela mwa lulimo lo lu sa zibwi. Mi nasweli kuliza pina yeli, “Ñaka Yetuna i fa kaufi, ki Jesu ya sishemo.” Mi ha tula kuzwa fani . . . Ni ziba kuli se si utwahala bunca luli cwale. Kono musizana yo nasina sa ziba ka za kubulela ka malimi, kono nasweli kuopela mwa lulimi lo lu sa zibwi, “Ñaka Yetuna cwale ifa kaufi, ki Jesu ya sishemo.” Mi piano yani yazwelapili kulila, “Ñaka Yetuna cwale ifa kaufi, ki Jesu ya sishemo.” Kihande, ba to tala kwapili kwani, ni kushetumuka mwa sibaka sa fahalimu, kushetumuka ni fa bulilo, batu inge bahuwaka! Musizana yani inza yemi fani, ni sifateho sa hae mwahalimu *cwalo*, inza bulela ka malimi asili; mi, yona piano, linoto za tou inge li nanuna ni kuwa:

Ñaka yetuna cwale ifa kaufi,
Ki Jesu ya sishemo,
U fa tabo kwa lipilu ze swabile,
Hakuna Libizo lisili kwanda Jesu.

⁶⁰ Oh! Ki . . . “Liito ha li si ka bona kale, ni zebe ha i si ka utwa kale, ze bulukezwi luna.” Mwa ziba ze Ni nahana? Ki kabakalañi hane—ki kabakalañi hane luka amuhela sa kuyolisa kamba sika fela se si sa lumeli, kanti mahalimu atezi Mata a niti, ona Mata a Mulimu a niti, akona kulukulula moyo, seo akona ku lu ezeza sika? Mulimu ami fuyole. Cwale, kuna ni lika zeñata hahulu.

⁶¹ Ne ni si ka mi bulelela kwa kunga buka ye, mwabona. Pongisi ya Poso ki 325, kwa Jeffersonville. Mi haiba ne mu ka ñola,

kupalañi, ne ba ka mi lumela yona. Kamba, mwendi, mupotele iliñwi ya mikopano, ba ka lifa fela mahala.

⁶² Cwale, Ni itumezi hahulu ka nako yende ye ya kopano. Mi kakusasana cwana Ne ni sweli kunahana likande nyana lene Ni bulelelanga Baana ba Pisinisi ya Sikreste, ka za Zakia. Buñata bwa mina mu ni utwile ha ni likandeka likande leo, ka mo muuna yo mukuswani yani na sa lumeli mwa temuho, mi, ni za Mulena. Kakuli, Na sepa, halubile cwalo mwa lusika ni lusika, mu ka bona za niti, kipeto mu ka bona ni za malikanyiso. Mi lu swanela fela kuziba zeo. Kono ya nahana hande, ni mutu wa Mañolo wa utwisisa, mwabona. Zeo, luna, mi hakuna taba . . .

⁶³ Fani musala Bo. Aimee Semple McPherson, ha na lifa lifasi fa, mwa bulumiwa bwa hae, ba bulela kuli mane mukutazi ufi kaufela wa musali natinanga mafufa ani, icwalo, mwa ziba, kamba mikanjo ye cwalo, ni kulwala Bibele.

⁶⁴ Amatalime fela bo Billy Graham ba mwa naha kacenu. Kono, mwa ziba, Billy Graham na si ka nga sibaka sa hao. Ha ni koni kunga sibaka sa Billy, hakoni kunga sa ka. Ha ni koni kunga sa hao, mi haukonni kunga sa ka. Wena u mutu unosi, ku Mulimu. Mulimu u ku ezize ka mo inezi, ka mulelo omuñwi. Kambe ne lu ka fumana fela sibaka sa luna, ni kuina kusona. Haiba lu lika kueza sika se si shutana, konakuli, mwabona, lu—lu mwa mafulo a yomuñwi, ili ze lu swaniseza fela siswaniso sa Mulimu.

⁶⁵ Lu nge sina Billy Graham mwa lifasi la likopano kacenu, sina yena, haiba ne lu ka li biza kuli mwendi ka mulahi wa mbola, kiyena ya na ni mbola.

⁶⁶ Cwale haiba ulika ku amuha mbola ku mutu wahenu luli, fo uka foseza sikhata sa henu. Sileleza muuna wa henu, mwabona. Zwelapili ku mu sileleza, zwisa kwateni babañwi kuli akone kumata hande. Mi lu kaba ni kufeza kasamulaho nyana, mi Jesu uka taha, mi kipeto kaufela li ka fela. Mulena ami fuyole.

⁶⁷ Cwale Ni ka bulela ka muuna yo, Zakia. Mi Ni mu pahekile kwahalimu kwa kota ye, mwa ziba, aikapesize matali fela. Mi cwale ha to tuluka kwa kota, a ya kwandu ni Jesu. Mi se Nili, “A to ba membala wa katengo ka Baana ba Pisinisi Yetezi ya Evangeli.” Kacwalo haiba kuna ni bo Zakia mo, kakusasana cwana, Ni sepa kuli uka amuhela kelezo yende ni kuba alimuñwi wa Baana ba Pisinisi Yetezi ya Evangeli.

U li, “Evangeli Yetezi?” Eeni, sha.

⁶⁸ Yeo kona nto inosi fela yana ka kutaza Jesu kuyona, neli yona Evangeli yetezi. Yeo ki niti. Nji ha ki cwalo? Luli, kakuli Na li yena Evangeli yetezi. Yeo ki niti. Na si ka i tatula Iliyena.

⁶⁹ Kono cwale Ni na ni Mañolo alikani añozwi fa, mwa palo nyana, ye zibahaha, halina ku ni tanda nako yetelele kono ki mizuzu fela yelikani, haiba mu ka itiisa ni na. Mi lu si ka eza kale se . . . Cwale, mwa kutwano yaluna yenyinyani ya kuba hamoho,

ni kuambola za mazoho a bere, ni za buleke, ni zeňwi cwalo, cwale ha lu libaleňi ze kaufela cwale, ni kunahana fela luya lu zibana. Mi, mane lubata cwale kukena mwa siemba sa butungi bwa Linzwi.

⁷⁰ Halu inamiseňi litoho za luna cwale, halunze lu Li atumela. Kakuli, haluna tukelo ya kuatumela Linzwi, kusina kubulela ku Muňoli, pili.

⁷¹ Ni litoho zaluna ze inami, meeto a luna aitimile, mi Ni sepa kuli lipil za luna li inami ni litoho za luna. Ha ni zibi, ha Ni nze ni apula meto aka ni kutilima fahalimwa sicaba, haiba ku kaba yomuňwi mo ya ka bulela kuli, ka kunanula lizoho la hae, "Muzwale, mukutazi, uni hupule mwa tapelo. Ni—Ni tokwile kacenu?" Mulimu aku fuyole. Mulimu aku fuyole. Cwale Wa bona mazoho amina. U ziba sesili mwatasa lizoho la hao, mwa pilu ya hao. Mi Ha alabe, kona tapelo yaka.

⁷² Mulimu Yomunde, sina ha lu itumela kwa tuyaho oluna ni wo, bana ba Hao baba ishuwile, lwakona kuputehana hamoho mwatasi mo, ni kuambola fela ni kuba ni kopano, ka kuba fela luna baňi, halunze luipa ili luna ku Kreste, ni takazo ya kuba hahulu sina Yena. Lu mizwale baba kukutaza babainzi bukaufi, Mulena, bana baba swanelia hande kuli ba shaele Linzwi le kufita Na, mutanga Hao ya sa swaneli, kono si ni wezi fahalimu. Mi, Ndate, Na lapela, kacenu, kuli haiba Ni kona kubulela nto ye si ke yaba ka tato ya Mulimu, kuli, Ni si ka i bulela kale, U kone ku kwala mulomo waka; sina mo No kwalezi milomo ya litau zazi leliňwi, kuli ne li si ka bilaeza Daniele.

⁷³ Ndate, lwa Ku kupa cwale kuli uhupule maňi ni maňi, mukutazi kaufela. Mi ni ncaafazo ye sweli kuezahala mwa muleneňi wo, Mulena, ku ba Assemblies of God, Na lapela, Mulimu yomunde, kuli U lume ncafazo ye cwalo mwahali mwani kuli muleneňi wo kaufela u tale fela ka Mata a Mulimu, mane libaka za manwelo a bucwala ze kaufela ni bana baba yembana kafa ni kafa mwa mikwakwa ba tiswe kwa Lubona lwa Mulimu, mi bavtazwe ka bunde bwa Hae ni Moya wa Hade. Lumeleza cwalo, Ndate yakwa Lihalimu.

⁷⁴ Mi lwa lapela kacenu, kuli haiba kuna ni kuba muuna kamba musali, mushimani kamba musizana, ya tahile mwa mukopano mo kakusasana cwana, mo mwatasa situwa se kwa mbundu, kuli Moya o Kenile omutuna uka potela lipil za bona ni kubulela ku bona, ka nzila ye ipitezi. Mwendi babaňwi baba yambaezi kwahule, baba kile ba taha ku Wena, Mulena, kono cwale se ba ile kwahule; aku bakutise, Mulena, kakusasana cwana.

⁷⁵ Mi lwa lapelela ona kakulo lo, ya Muzwale Earl ni musala hae, hamoho ni babaňwi cwalo. Lumeleza cwalo, Mulena.

⁷⁶ Cwale lu komaunele Sinkwa sa Bupilo, halunze lu apula makepe a Linzwi, kakuli lu ziba kuli Bibele haina toloko ya kwa mukunda. Kono, Mulimu hatokwi kuli lu toloke Linzwi la

Hae, Yena ki mutoloki Ili Yena. Na bulezi zazi leliñwi kuli, "Ha kube liseli," mi kwaba liseli. Na ize, "Mwalanjo uka itwala," mi sa itwala. "Mi mwa mazazi a maungulo Ni ka sulula kwa Moya wa Ka fahalimwa libupiwa kaufela," hakuna taba kamba lifasi ne li bulezi sikamañi, Na ezize cwalo. Ha tokwi mutoloki ni yomukana. U tolokanga Manzwi a Hae Tota, ka ku A eza kuba a kupila ni ku A paka kuba cwalo. Taha mwa lipilu zaluna, Mulena Jesu, mi u lu tolokele, kacenu, lika ze lutokwa. Lwa kupa ka Libizo la Jesu. Amen.

⁷⁷ Cwale mwa Bibebe, haiba mu ka apula. Ni lumela kuli Nali kuba ni be ni liñusa le Ni likile kubulela ka lona, le Ni si ka bala kale Linzwi. Kakuli, linzwi la ka li ka palelwa, Ni mutu. Kono Linzwi la Hae halikoni fela kupalelwa, Yena ki Mulimu. Kacwalo ha lu apuleñi cwale fa tuto nyana fela, mi lu ka zwa ka mizuzu fela ye mashumi amalalu, mashumi amane, haiba Mulena alata.

⁷⁸ Fa Sinulo cwale, lu bata kuapula mwa kauhanyo ya 3 ya Sinulo, kukala ka timana ya 14. Mi lubata kubala fela siemba, ki Liñusa kwa Lusika lwa Keleke ya Laodesia. Mi Na lumela, mi Ni—Ni sepa kuli buñata bwa batu babatezi Moya ni babali ba Bibebe, bakona kubulela kuli *amen* ku sani, kuli lu mwa Lusika lwa Keleke ya Laodesia, kakuli lwani kona lusika lwa mafelelezo. Muteeleze kwa Liñusa la buino bwa keleke ka nako ye.

U ñolele ni lingeloi la keleke ya . . . Laodisea; Ki se sa bulela yena ye li Amen, paki ye sepahala ya niti, toho ya libupiwa za Mulimu uli;

Ni ziba misebezi ya hao, . . . kuli ha u bati ha u cisi: Ne nii lata kuli u bate kamba u cise.

Mi cwale kakuli u enya fela, u sa bati u sa cisi, Ni ka ku taza mwa mulomo wa ka.

Kakuli u bulela kuli, Ni fumile, bufumu bu ni atez, ha ku na se ni tokwa; kanti ha u zibi kuli u mwelwa, . . . u nyandile, . . . u mubotana, . . . u shwile meto, mi uinzi mapunu:

Ni ku eleza kuli uleke ku na gauda ye kenisizwe mwa . . . mulilo, kuli u fume; ni liapalo ze sweu, kuli u tine, mi kuswabiswa kwa mapunu a hao ku si ke kwa bonahala; u leke ni mulyani wa meto, mi uisele mwa meto kuli u bone.

Na Ni kalimela mi Ni nata ba ba latwa ki na: utukufalelwé zeo mi ubake.

Bona, Ni yemi mwa munyako, na ngongota: mutu autwa linzwi la ka, mi akwahulula sikwalo, Ni ka kena ku yena, ni to ca mulalelo ni yena, ni yena ace ni na.

Ya tula Ni ka mufa kuina ni na mwa lubona lwa ka, sina Na ha ni tuzi, mi ni inzi ni Ndate fa lubona lwa hae.

Ya na ni lizebe, a utwe seo Moya u si bulelela likeleke.

⁷⁹ Mulena afuyole palo ya Linzwi le. Cwale Ni bata kunga, fa nako nyana fela, palo nyana, yebizwa kuli, *Minyako Mwa Munyako. Minyako Mwa Munyako*. Cwale ye luli ki . . . *Minyako Mwa Munyako*, ki manzwi amalalu. *Minyako Mwa Munyako*.

⁸⁰ Wakona ku ni bulelela kuli, “Muzwale, kuna ni batu baba kuma fa mwanda mo. Foo, musike mwa nahana kuli yeo ki palo yenyinyani, inge una ni mioyo ye mwanda fapila hao?”

⁸¹ Kihande, yeo, yeo ya kona kuba niti, palo—palo ki yenyinyani. Kono ha ki siyemo sa palo, se—se sili butokwa, ki seo ili yona. Kona—kona sibili butokwa.

⁸² Inge, Ni lumela kuli neli mwa Louisville, Kentucky, nako yeñwi kwa mulaho, neli—neli mushimani yomunyinyani yanali mwa situwa, inge asweli kubapalisa mashoko mwa situwa sani, mi sa fumana sitempe yeñwi ya kale yakwa poso. Kihande, nto yapili mwa munahano wa hae, neli kuli aitekele ka ice cream. Nekuna ni mutu yana tilo olela manyalala mwa mukwakwa, ki yo azwela mwa nzila, amata katata mwa na konela kaufela. Mi ali, “Ki sikamañi so ka ni fa ka sitempe ye?”

⁸³ Muoleli wa manyalala a italima, mi ne se i suhehile. Ki hali, “Ni ka kufa dollar.”

⁸⁴ Mawi, kwani neli kulekisa ka bunolo luli. Na ka ituhela kuli ilekiswe neba ka nickel, mi kipeto na ka ya tabile, kuli ayo itekela ka ice cream, kono ne i lekisizwe ka dollar. Muoleli wa masila a yo ilekisa ka ma dollar aeza faifi handeleti. Mi kasamulaho, Ha ni sa ziba fela kuli ne i fitile kai, ne i lo fita mwa mianda anda ya ma dollar. Mwa bona, kaemba fela ka pampili ne si kakatuna luli, neli fela kaemba ko ne musike neba kunopafafasi ha kawile. Kono, ne si pampili ye ne li butokwa, ki ze li fa pampili, kona ze li butokwa.

⁸⁵ Mi kona mo kuinezi ni ha mubala Linzwi la Mulimu. Ha ki pampili fela, teko ya pampili, kamba fo ikuma pampili, ki se si ñozwi fa pampili. Mi linzwi li liliñwi la kona kupilisa lifasi, haiba likona ku amuhelwa ka nzila yeo.

⁸⁶ Nako yeñwi kwa mulaho nekuna ni . . . Ne ni balile likande la mazazi a muika wa luna . . . Alimuñwi wa Baeteleli ba naha babatuna hahulu Ni sepa bao naha ikile ya ba fateni ni—ni bona neli Lincoln. Isiñi kuli na zwelela kwa Kentucky, kono kakuli nali muuna yomutuna. Na timilwe ki tuto, kono niteni nekuna—nekuna ni sesiñwi mwa pilu ya hae, mulelo omuñwi.

⁸⁷ Na—Na lata muuna yana ni pono. Na lata batu baba na ni se ba lwanelo, fela musike mwa namanga fela, “Kihande, kaufela se si taha si lukile.” Oh, yema mi ikataze kakutiya! Mi Lincoln na si ka tuhelela tuto ya hae kuli iyeme mwa nzila yani; nana ni sa kueza. Ni sepa kuli Mukreste kaufela ulukela kuba ona cwalo, fumana mulelo wa hao mi u yo u eza.

⁸⁸ Membala kaufela wa sikhata se, isiñi fela kuli, "Kihande, lu banga ni mukushuko hañwi ka kweli," ha ki cwalo, "kamba hañwi la Pelekelo ni pelekelo." Ba ni mulelo mwa bupilo, sika so ka eza. Haluezeñi. Mulimu u ku beile fa; eza kwateni sika sesiñwi, membala kaufela wa keleke kaufela. Kuna ni ancafazo mwa tolopo. Ncaafazo yani ibeziteñi ka libaka. Ha lu ngeni sesiñwi ku mwateni. Ha luezeñi sesiñwi ka sona.

⁸⁹ Bo. Lincoln. Nekuna ni muuna yana . . . mucaha fela, nali-nali mwa ndwa, mi—mi na li—na li muipi, ka kukala. Mi ka nako ya musebezi, na—na—na ti lo zwa mwa musebezi; mi ba mu fumanela mulatu, kuli na lukela ku kunupiwa. Mi, oh, yena . . . neli nto yesabisa. Mi mutangana yomuñwi na mu lata hande luli, aya ku Bo. Lincoln, ku yo kupelwa swalelo. Na li Mueteleli wa na ha ka nako yani, mwa United States mo, mi kacwalo ayo mu kupela swalelo.

⁹⁰ Mi ali ku yena, hana sweli kuzwa mwa kocikala ya hae; ni Bo. Lincoln, ba mulelu, omutele, mutu wa kwa mboela, tenyene ya otile. Mi ki hali, "Bo. Lincoln, kuna ni mushimani ya ka shwa, mwa mazazi amabeli kuzwa cwale, u kunupiwa, kakuli na matile ka nako ya ndwa." Mi ki hali, "Bo. Lincoln, mushimani yani ha ki mushimani ya maswe. Kono ona litobolo kaufela ze sweli ku kunupa zani, mi—mi ni batu babasweli kushwa, na sabile hahulu. Mi ki ha nyema hahulu, kuli, ananula mazoho a hae ni ku kala kuhuwa." Ki ha mata, ali, "Ni zibile mushimani yani." Ali, "Bo. Lincoln, libizo la hao fela fa siemba sa pampili se lakona ku mu bandusa. Kikuli uka eza cwalo?"

⁹¹ Kakuli, mutangana wa Mukreste yo, kapili anyatela pampili ali, "Uswalezwi, mukete wa *Kuli-ni-kuli*." A ñola libizo la hae, "Abraham Lincoln, Mueteleli wa United States."

⁹² Kiyani mulumiwa akuta inza mata mwa na konela luli. Mi a matela kwa selu, mi ali, "U lukuluhile! U lukuluhile! Ki se fa sisupo sa Bo. Lincoln, sisupo sa libizo la Bo. Lincoln. U lukuluhile!"

⁹³ Ki hali, "Kiñi zo te zi ku to ni seha, kono u ziba kuli Na shwa kamuso?" Ki hali, "Isa zeo kafoo, usweli fela ku ni seha wena." Mi na si ka lumela mane. Ki hali, "Batili, Hani—Hani lati." Ali, "Usweli fela kueza . . ." Ali, "Kambe yo neli—neli mueteleli," ali, "ne ku kaba ni—ni sisupo sa na ha, mi kambe ki fa pampili ye lukela."

Ki hali, "Kono ki se sisupo sa kunyatela kwahae!"

⁹⁴ Ki hali, "Ni ka ziba cwani sisupo sa hae?" Ki hali, "U sweli fela ku ni soma, ubata fela ku ni utwisa hande." Mi akala fela kuhuwa, a fetula ni kuikela. Mushimani wateni a to kunupiwa habusa kakusasana.

⁹⁵ Mi kasamulaho mushimani amano shwa, mi ni libizo la Mueteleli wa na ha linzelili fa pampili ye, kuli na swalezwi, cwale ki sikamañi? Mi ba li lika kutilima taba yeo mwa kuta yetuna.

Mi ki ye fa keto ye likuta zaluna, yona yeli kuta ya fahalimu hahulu kwa likuta zaluna kamukana. Se ba bulela fokuñwi, ha lu latangi keto ya bona, kono luna ni kuina ka zona kupale kumane, mwabona, kakuli ani kona mayendameno. Ani kona mafelelezo. Cwale, ne ku bulezwi mwa keti kuli, “Swalelo ha ki swalelo konji haiba i amuhelwa.”

⁹⁶ Mi cwalo kona Linzwi la Mulimu mo li inezi. Ki swalelo haiba Li amuhelwa kuba swalelo. Mi Ki Linzwi la Mulimu, Kona mata a Mulimu, ku baba ka Li lumela ni ku Li amuhela.

⁹⁷ Hakuna taba, kamba U li talimela cwani, mi u li, “Oh, zeo li kopamisizwe, kubile litoloko ze likana lule lule, ni zeo kaufela.” Zakona kuba cwalo ku yomuñwi.

⁹⁸ Kono, ku na, Isali lona Linzwi la Mulimu, “Jesu Kreste wa swana maabani, kacenu, ni kuyakuile.” U tamehile kueza musebezi wa Linzwi lani.

⁹⁹ Cwale Una ni ku atula keleke, zazi leliñwi. Mi haiba A li atula ka keleke ya Katolika, ili ze ba bulela kuli kona Mwaka atulela, konakuli ki ifi ya likeleke za Katolika Ya ka atula ka yona? Hanili za shutana ku yeñwi ni yeñwi. Haiba A li atula ka ba Methodist, mina ba Baptist mu shwile. Haiba A li atula ka ba Pentekota, mina babañwi kaufela mu shwile.

¹⁰⁰ Kono Haana ku li atula ka keleke. Bibe ibulezi kuli, “Uka atula lifasi ka Jesu Kreste, mi Kreste ki Linzwi.” Kacewalo mwa bona kuli haluna buinyazo, Ki Linzwi la Mulimu, kuli A lu atula kalona; mi hakuna taba kamba u mwanana, linzwi li liliñwi le li shutana ku Le, nabulezi mwa Sinulo 22:18.

¹⁰¹ Pili, Ni ka kalela mwa Genese. Mulimu na file lusika lwa batu Linzwi la Hae, kuli ba silelezwi ka lona kuzwa kwa lifu, sibi, ni maswabi, kamba butata bufi kaufela. Liwenge, la Manzwi a Hae. “Mu si ke mwa swala kwa kota ye, kakuli, zazi le mu ka ca kuyona, lona zazi leo mu ka shwa.” Mi liwenge litiyezi fo li fokololela. Mi miyo ya luna ihohezwi mwa lihele, lunze lu swalelezi kwa liwenge le; u sa loba kalikañwi ka lona, kona fela zo na ni kueza. Eva na si ka lyanagnisa mubamba, na lyanganisize Linzwi, ka Satani. Sani neli sibaka sapili sa Buka.

¹⁰² M wahala Buka kwa taha Jesu, mi ali, “Mutu hana kupila ka buhobe fela, kono ka Linzwi kaufela.” Isiñi siemba sa ona, li liliñwi fela fa ni fani, kono, “Linzwi kaufela le lizwelela mwa mulomo wa Mulimu.”

¹⁰³ Ha Na shwile, ku zuha, ni kuya kwa Lihalimu, ni kukuta ku yo fa Joani...ili za Na bulezi mwani kasamulaho wa zuho ya Hae. Ali, “Ku cwani kambe...” Ali, “Ki sikamañi se si ka ezahala ku muuna yo?”

¹⁰⁴ Jesu naize, “Ki sikamañi ku mina haiba a zwelapili kufitela Ni taha?” Kusina kuziba hande kuli bupilo bwa hae ne bu ka na bubateñi, kono bulumiwa bwa hae ne bu ka zwelapili. Mi

A mu nanula, mwa kauhanyo ya 4 ya Sinulo, ni ku mu bonisa lika kaufela ze ne sa taha, ze lupila kuzona, mane mwa palo ye kacenu.

¹⁰⁵ Mi cwale mwa kauhanyo ya 22, kauhanyo ya mafelelezo, timana ya 18, Na ize, “Yo kaufela ya ka zusa Linzwi lililiñwi mwa Buka ye, kamba ku ekeza linzwi ku Yona, siemba sa hae si ka zwiswa mwa Buka ya Bupilo.” Mwabona? Kacwalo lu lumela kuli mutu upila ka Linzwi la Mulimu kaufela. Na lumela cwalo mi Ni ziba kuli ki niti. Libe bunyinyani limane, hakuna taba. Si lwala fela linzwi li liliñwi, kuli kube cwalo.

¹⁰⁶ Kunahana ka bunyinyani ni kutokwa tuso, ka kubona kuli buñata bwa balikani baka ki ma Canadian babainzi mo. Na hupula Ne nili mwa Canada fani King George... Yene Nibile ni kolo ya ku yo lapelela, ha na folisizwe, kwa butata bo butuna bwa moongola bwani; na katazeha zazi lani, bakeñisa moongola, mi hape nana ni butata bwa mwa mba, neli litombo za mwa mba; sina buñata bwa mina ma Canadian ha mu ziba, ni ma American, cwalo. Kono ku mubona ha fita kulo kwani, ali kuina mwa sikocikala sani, nali—nali mulena. Na i kuteka sina mulena. Mulena hae yomunde wa musali ainzi bukaufi ni yena, mwa ndelesi ya hae ya mubala wa ndilu, mi inza taha mwa mikwakwa cwalo.

¹⁰⁷ Mi mulikana ka, ni Na, ne lu yemi hamoho. Mi cwale sikocikala sani ha si fita, a fetuha fela toho ya hae ni kukala kulila. Na beya lizoho laka fa liheta la hae, mi se Nili, “Ki butata mañi?”

¹⁰⁸ Ki hali, “Muzwale Branham, kiyani mulen'a ka ni mufumahali wa hae.” Kihande, Na—Na itumela ka zeo.

¹⁰⁹ Kacwalo Na hupula kuli, “Haiba mu Canadian, mwatasa toho ya muuso, isiñi toho ya muuso, kono ni cwalo hape ni toho ya muuso, ya England, ni kufita mulena fa kaufi, nelikona ku lilisa mu Canadian, ni kufetula toho ya hae ni kulila, ku ka ba cwani ku Mulena luna?” Ni ka kunahana ka zona, siemba sa luna ikaba sa Mulena wa musali.

¹¹⁰ Mi bana se ba lukuluha mwa likolo, bana babanyinyani, ba fiwa ndembela nyana, yenyinyani ya si British. Ndembela ya ma Canadian ibizwa nto isili. Muzwale Fred, ndembela ya ma Canadian ibizwa cwani? [Muzwale Fred Sothmann uli, “Union Jack.”—Mu.] Union Jack. Kono ba bafa ndembela yenyinyani, ya British, kuli i pepele. Mi cwale mulena ha to fita, banana kaufela bawela fande, inge ba pepelisa ndembela ya—ya bona yenyinyani, ni kuhuweleza mulena. Mi—mi nekuna ni balizi ba lilimba bene ba liza, *Mulimu Pilisa Mulena*, hana sweli kuzamaya mwa mukwakwa cwalo.

¹¹¹ Oh, kambe ne mu ka ba fela ni... Ne mu ka talima ku se si ka yo ba mwa zuho yani kwani!

¹¹² Mi ha ne ba laezwi cwalo, banana bani, kuli ba kutele mwa sikolo sikhata sani ha ne se si—si fitile. Mi, banana ba ni bakuta, sikolo silisiñwi sa tonda kasizana kalikañwi. Mi ya kai ni kai, ba yo fumana kasizana kani, inge ka zamaya mwa mukwakwa. Mi, mafelelezo, kwa mulaho wa musumo wa mihala ya wayalesi, nekuyemi kasizana, kakanyinyani, luli, kaka kuswani, inge kasweli fela kulila habutuku.

¹¹³ Kihande, muluti amu nanula mi... [Hakuna manzwi fa tepu—Mu.] “Ki butata mañi? Kikuli ha u si ka bona mulena nji?”

Kasizana kali, “Eehe, Ni mu boni mulena.”

Ali, “Kana—kana ha no si ka pepelisa ndembela ya hao?”

Ki hali, “Eeni, Ne—Ne ni pepelisize ndembela yaka.”

Muluti ali, “Kihande, cwale, kiñi ha u lila?”

¹¹⁴ Ki hali, “Wa bona, muluti, Ni yomunyinyani hahulu, babañwi ne ba yemi kwa pata kuna, nebali babahulu. Mi Na pepelisa ndembela yaka, kono na si ka ibona.” Mi a komoka ka zona. Kihande, yani ikona kuba kuli King George na si ka bona mwana yani, mwa bukuswani bwa hae. Hakulata na si ka bona pilu ya hae ya lilato, ni mwa na utwela ka yena. Na li mwanana hahulu.

¹¹⁵ Kono ha ku cwalo ku Mulena luna! Oh, nto yenyinyani yelueza, Wa ibona. Mi Wa ziba lika luli ni mihupulo yeli mwa lipilu za luna, kaufela se lueza, mo si bezi bunyinyani. Mi lu Mu sebeleza cwani? Halunze lu sebeleza yomuñwi ni yomuñwi. Haiba ha Ni mi lati, Ni kona ku Mu lata cwani? Mwabona? “Ona mo mu ezelize ku babanyinyani ba Ka bao, mu ezelize Na zeo.” Mwabona?

¹¹⁶ Ki—ki lika zenyinyani ze lu siyanga li si ka ezahala linako zeñwi, kona ze lobanga liwenge, mwa bona, mi ha luyeñi ka tukuluho, kuzwa mwa minahano ya likopano, ni kulibala lika zenyinyani ze zeli za—za butokwa luli. Lik a kaufela, Linzwi la Mulimu kaufela, ki la butokwa. Hakuna nihaiba siemba sa Lona se si kona ku siiwa. Lu lukela kunga Linzwi kaufela la Lona, ka mo ne Li ñolezwi fela.

¹¹⁷ “Ni yemi fa munyako,” Jesu abulela, mwa Lusika lwa Laodesia lo, “mi wa ngongota.” Kana mulemuhiile, kuli kona lusika lwa keleke fela mwa Na lelekezwi fande a keleke ya Hae? Masika amañwi kaufela a likeleke, Nali mwahala keleke. Mwahala ba Methodist, ni ma Lutheran, ni babañwi cwalo, Nali mwahali, keleke. Kono kulo U fande, lituto za litumelo za luna ni lika zeñwi ne li Mu lelekile mwa keleke. Kono U yemi fande fani, u sa ngongota, “Ya ka utwa ni ku kwalula sikhalo, Ni ka kena ku yena, ni ce ni yena, ni ku mufa kalafo kwa meto a hae, ni—ni liapalo, ni kumuña bufumu bwa Lihalimu; ya ka Ni utwa ha ni ngongota.”

¹¹⁸ Ne ni nahana kuli Ne ni ka hupula libizo la muswanisi yana swanisize siswaniso sani yani, ya na pentile siswaniso, nitaluse, sa munyako. Mi yena . . . Mwa ziba, maswaniso amatuna kaufela pili alukela kufita mwa mukoloko, kamba, muyaho wa batikitibi, si si ka pahekwa kale mwa Muyaho wa Libubo. Siswaniso sapili sani cwale ne si ka feza madollar aeza lule lule.

¹¹⁹ Kono, mwabona, kuswana sina kuli Keleke, ina ni kufita mwa muyaho wa kutikitiba. Lwa fita ku zona. U ka bizwa kuli “mupikuluhi ya kenile,” u ka bizwa sika kaufela. Kono haiba ukona fela kuswala hande mayemo a hao ku Kreste, kona kuli zazi leliñwi Uka luisa mwa Muyaho wa Kutikitiba. Kono pili lu luswanela ku yo yema kale mwa kutikitibiwa. Mwani kona mo kuyema bunyinyani bwaluna, mwani kona mo bu bonahalela. “Ya sa koni kuitisa ha kalimelwa ki mwana wa mwa bunyazi, mi ha ki mwana Mulimu.” Hakuna taba kamba u ikopanyize hakai kwa keleke, ni kaufela za ezize, u sa li cwalo, hakoni kuyemela kalimelo, ki mwana wa mwa bunyazi, mi ha ki mwana Mulimu wa niti. Kono mwana wa luli, mwana Mulimu hana taba ka seo lifasi libulela, lika zeñwi kaufela ki za bubeli. U i size muhupulo wa hae ku Kreste, mi ao kona mafelelezo. Eeni. Kaufela sa bulela Kreste ku sieza, uka si eza. Kaufela ko kuya Ngunyana, bainzi ni Yena, ibe kai kamba kai. Mi kipeto mubona kubonahaal kwa Hae, Pata ya Hae, ni kaufela Sa eza. Yena kamita ubanga ni sicaba sa Hae, Munyaliwa wa Hae. U sweli ku mu beezeza. Zazi leliñwi ku kaba Mulalelo wa Sinawenga.

¹²⁰ Mi cwale muswanisi yoo, mane, ha ne si keni mwa sibaka sa batikitibi, sakwata sa batikitibi sa kopanela kuyena muswanisi yoo. Ha ni sa hupula libizo la hae. Ni lika kuhupula za Michelangelo, kono yani neli mubeti wa siswaniso sa Mushe. Kono ha Ni sa hupula libizo la hae. Kono, konohe, ki hali, “Siswaniso sa hao sa ipitezi,” ali, “Hanina se Ni kona kubulela kunyaza siswaniso.” Ki hali, “Kakuli, U sweli lumonyi mwa lizoho la Hae, si bonisa kuli Utaha mane, ka nako ya busihu ha ku se ku unsufezi luli.” Ki hali, “Mi cwale U fa munyako, ni toho ya Hae, zebe ya Hae, kacwalo Haana . . . kupalelwa kuutwa pizo yesisan luli. U beile zebe ya Hae i sikekezi kwa sikwalo, mi Usweli kungongota fa sikwalo.” Ki hali, “Kono, wa ziba, muñaka, kuna ni nto iliñwi yo libezi mwa siswaniso sa hao.”

¹²¹ Mi muswanisi wa ne si mu tandile bupilo bwa hae fa kus i swanisa, ki hali, “Ki sikamañi se Ni libezi, sha?”

¹²² Ki hali, “Hakuna taba kamba U ngongota hakai, wabona, ulibezi kubeya fateni sikwaluliso. Hakuna si kwaluliso fa sikwalo.” Haiba u ka lemuha sikwalo, hakuna sikiululiso fateni.

¹²³ “Oh,” kwa bulela muswanisi wa maswaniso, “Ni swanisize ona cwalo. Mwa bona, sha,” ki hali, “Sikiululiso si inezi mwahali. Ki wena ya kwalula sikwalo. Wa kwalula sikwalo.”

¹²⁴ Oh, kiñi mutu za ngongotelanga fa munyako wa mutu? U bata kuli ba mu kwalulele. Ubata ku kena mwahali. Hakulata una ni sesiñwi sa bata ku kubulelela kamba kuambola ni wena kasona. U ku lwalezi liñusa. Mi kona libaka batu ha ba ngongotanga fa likwalo za batu. Bana ni libaka la kueza cwalo. Hakukoni kuezahala cwalo kusina libaka. Haukoni kuya kwa ndu ya mutu konji haiba ku na ni libaka lo yela kwateni; haiba hakuna libaka, la kupotela, u muiseza liñusa, kamba nto yeñwi. Kuna ni libaka kuli mutu a ngongote fa sikwalo sa mutu.

¹²⁵ Kaufela ko kuna ni puzo, ku lukela kuba kalabo. Haku koni kuba puzo kusina ku ba kalabo. Kacwalo sani kona se lu bata mwa Bibele, lipuzo ze za lizazi le, Bibele ina ni kalabo. Mi Kreste ki yena Kalabo.

¹²⁶ Cwale, batu babañata ba ngongotile fa likwalo, mwa nako ya bupilo bwabona, mi babañata ba ngongotile mwa linako za kale; mi kaniti kwani, linako lizwezi pili, ku kaba babañata mane, sicaba sa butokwa.

¹²⁷ Cwale, taba yapili, mwendi, haiba mutu akona ku ngongota fa sikwalo sa hao, haiba wa kona, wakona kunangela ni kutilima fa lisila, kubona kuli ki mañi.

¹²⁸ Haiba u patehile, sina mo lu bulelela kuli lu cwalo kacenu, “U patehile hahulu kuli uye kwa keleke; upatehile maswe kuli eze se. Mi, mwa ziba, keleke yahesu ha i lumeli mwa litaba zecwalo zeo.” Mi, mwabona, lu lyangani fela hanyinyani, fokuñwi, kuzwa kwa Linzwi.

¹²⁹ Kono kutisa lisila kwa mulaho, kipeto u ka bona ya yemi fani. Mi haiba ki muuna wa butokwa, kapili u ka matela kwa sikwalo.

¹³⁰ Cwale halu kuteñi kwa mulaho hanyinyani fela, ni kunga batu babalikani babakile ba ngongota fateni. Halu kuteñi kwa mulaho mi lu nahane ka za Faro mwa Egepita, myaha ye mianda yemiñata kwa mulaho. Ku cwani kambe—kambe Faro, mulena wa Egepita, na ka taha kwa ndu ya munyandi yomuñwi? Mi njimi yo na sa utwani hande ni Faro, mi na sa lumelelani ni milao ya hae, mi na katazana ni yena. Mi—mi, kono fa kuyemi Faro, inza yemi fa munyako wa—wa mufolomi wa sitina kamba mulubi wa daka, sina mo lu kona kuba bizeza, kwani kwa Egepita. Mi u hoha lisila la hae kwa mulaho, mi fani kuyemi Faro sikatazi fa munyako. Mi usweli kungongota; ni lumenyo fa sifateho. [Muzwale Branham ungongota fa sika—Mu.] Kupalañi, njimi yani ukona ku kwalula sikwalo, ni kubulela kuli, “Kena Faro yomutuna, mutanga hao yaishuwile afumane kushemubiwa fapila hao. Haiba kuna ni sika kaufela mwahala mamota aka, Ni swana fela ni mutanga ku wena, Faro. U ni kutekile fahalimwa bahesu. U tile kwa ndu yaka, na Nili fela mubotana. Hanili mu potelanga fela malena ni—ni baika, ni batu ba butokwa. Mi Na hanina butokwa. Kono wena—wena utilo ni potela, u ni kutekile, Faro. Ki sikamañi sa lukela kueza mutanga hao ya ishuwile?”

Hakuna taba kamba Faro na ka kupa sikamañi, nihaiba bupilo bwa hae, na ka bu fa. Luli. Ki likute.

¹³¹ Kamba, lubulele ka mutala, nyandi Adolf Hitler, ha na li wa kwa Fuehrer kwa Germany. Ku cwani kambe na ka ya kwa ndu ya musole? Mi sikuwata nyana sa masole ba Nazi sani inge sili kwani, mi, nto yapili mwa ziba, kiñi, yomuñwi a ngongota fa munyako. Mi musole yomunyinyani ali, “Ah, Ni ikutwa bumaswe kakusasana cwana! Musala ka, ba bulelele kuli ba zamaye.”

¹³² Mi ki ha to nangela fa sikuwalo, ni ku hohela lisila kwa mulaho. Mi ali, “Bakuluna! Bakuluna, amu tulele kwanu kapili!”

“Ki butata mañi? Ki mañi ya yemi foo?”

“Hitler, wa kwa Fuehrer wa Germany!” Oh, mawi!

¹³³ Musole yomunyinyani yani atula, a apala liapalo za hae, kapili, mi ayema a li kuanda. Aya fa munyako fani, a yo kiulula sikuwalo, ni ku kwalula sikuwalo, mi ali, “Lumela Hitler!” Mwabona, nali muuna yomutuna, mazazi a hae mwa Germany. “Ki sikamañi se Ni kona kueza?”

¹³⁴ Haiba na bulezi kuli, “Tula lilundu fani,” ne ku kaba ona cwalo. Kiñi? Hakusana hape, hakuna muuna yomutuna ya butokwa mwa Germany, mwa mazazi aba Nazis, kufita Adolf Hitler mwa na bezi. Na li muuna yomutuna. Mi yena... Mi, ha ki likute ni leo, kanti yena upotelanga fela manduna ni baana babatuna, kono ki yo fa fa munyako wa muuna ya zamaya fela ka mahutu! Oh, ikona kuba likute lelituna ku yena.

¹³⁵ Kihande, cwale, kucwa ka Flagstaff? Lu ka libulela hande kuli mu utwisise. Kucwani he kambe musihali wo, kuli—kuli Mueteleli waluna wa naha, Bo. Johnson, L. B. Johnson, kucwani hane ba ka tuluka mwa fulai, kutaha kwa sibaka sesiñwi kwanu? Mi cwale kaufela luna lu mwa sikuwata silisiñwi fela sa batu. Kaufela luna lu botanile. Mwendi yo una ni musebezi o kutekeha, mwendin ndu yende nyana, kono, kasamulaho wa zeo kaufela, luna lu batu fela. Kono kucwani kambe na ka taha kwandu ya hao kwanu, mwendi alimuñwi waluna ya ishuwile hahulu, mi angongote fa munyako; mi wa ya kwa sikuwalo, mi teñi ku yemi Mueteleli wa naha L. B. Johnson? Kiñi, ikona kuba likute lelituna. Mwakona kushutana ni yena, mwa litaba za naha. Kono wakona kuba muuna ya kutekeha, kuba ni Mueteleli wa United States ya yemi fa munyako wa hao. Ki wena mañi kamba ki Na mañi? Mi fani kuyemi Lyndon Johnson fa munyako wa hao! Ni ha ukona kuba wa ba silikani ba Socialist kamba Republican, kamba ushutane ni yena ka limaili zelikana lule, kono niteñi lakona kuba likute.

¹³⁶ Mwa ziba kana? Kakuli no filwe likute le, kiñi, wayalesi ya maswaniso ikona kulibeya fa papazo busihu. Luli. Mitende yebiha makande a linako kaufela ika li patalaza mwa mutende,

ona mwa pampili yaba Flagstaff mo, kuli, “*John Doe*. Mueteleli wa United States na fufezi kwa Flagstaff maabani, kinto ye sa zibahali, mi kushetumuka fela ona cwalo, kusina neba kumemiwa, kono angongote fela” fa munyako wa hao. Yaishuwile! Mueteleli yani na kabeiya libizo la kuba muuna ya ishuwile, ka butuna bwa hae kaufela, kuli atahe kuna kamba kwa munyako wa hao; haluna tuso, mi atahe a to ambola ku luna.

¹³⁷ Kiñi, no ka zamaya mwa mukwakwa, ni kubulela kuli, “Eeni, ki Na mutu yoo. Mueteleli na ni potezi.”

¹³⁸ “Yema hande, halubone ni ku napule uni bulele mabizo a—a hao kakutala. Ni talime hande. Cwale ukona katalima cwani ha u sweli fela kuitamaela?” U kona kuba mutu ya butokwa. Luli.

¹³⁹ Ku cwani kambe mulena wa musali wa kwa England na ka taha, ni ha u si yo mwatasa puso ya hae? Kono ikona kuba likute luli mina basali babañwi mu amuhele mulena wa musali wa kwa England, ni ha mu siyo mwa puso ya hae. Kono, nicwalo ki mutu yomutuna, ki yena mulena yomutuna wa musali mwa lifasi, ka nako yee. Kaniti, ki yena, foo ki kubulela ka mukwa wa na. Kono ha na ka ku kupa siemba sa butale nyana fa limota la hao, so kuteka hahulu, no ka mufa sona. Neikaba likute kuli ueze cwalo. Luli, ki yena mulena wa musali wa England.

¹⁴⁰ Mi no ka kutekiwa, ka Mueteleli wa na. Mi mutu kaufela na ka bulela ka za kuishuwa kwa mulena wa musali wa kwa England, nafufile ku yo potela musali cwana mwa Flagstaff, ki mutu yasina kabubo mane. Mi mitende ne i ka liñola, mane ni makande na ka li fatalaza.

¹⁴¹ Kono, mwa ziba, yena Mutu ya butokwa hahulu ka nako kaufela, Jesu Kreste, u ngongota fa munyako wa luna. Mi U lelekilwe, kufitelela malena kaufela ni babusisi babakile ba ba teñi. Yeo ki niti. Mi mwakona ku Mu amuhela ni kuzwela fande ku bulela sesiñwi kazona, lifasi la ba kwande lakona ku kuseha. Hakuna makande akona ku utwahala . . .

¹⁴² Kimañi yakona kutaha kwa ndu ya hao, yomutuna yafita Jesu Kreste? Kimañi yakona kungongota fa munyako wa hao, yomutuna yafita Jesu Kreste? Kimañi yakonak ueza cwalo? Yena Mwana Mulimu, kimañi yakona ku kongongota fa ndu ya hao, kimañi yakona kuba hahulu ni butokwa? Kono ibo U ngongota, zazi ni zazi. Mi haiba ukona ku Mu amuhela, u ka bizwa kuli mufitelezi wa tumelo. Kacwalo, mwabona lifasi mo li zibela ba lona? Yeo ki niti. Kono cwale Hakoni kutaha konji Ha sa bile ni libaka la kutaha.

¹⁴³ Mi kana mu nahana kuli kuishuwa kwa Mueteleli Johnson, kamba kuishuwa kwa mulena wa musali wa England, kamba mutu yomutuna ufi kaufela, mo bukona kubonisezwa, buishuwi bwa mutu yomutuna ya kutekeha yani kuli angongote fa munyako wa hao!

¹⁴⁴ Kucwani he ka buishuwi bwa Mwana Mulimu? Luna lubomañi kwanda baezalibi fela, ba masila, “baba pepilwe mwa bumaswe, ltile mwa lifasi inge lubulela buhata?” Mi cwale ni Mwana Mulimu ataha angongote fa munyako wa hao.

¹⁴⁵ Cwale, mulena wa musali wakwa England wakona kuku kupa sika. Wakona kunga sika ku wena. Niyena Mueteleli wa naħħa, ukona ku ku kupa kueza sika so sa lati kueza. Wakona ku ku kupa sifumu so no sa tabeli kumufa, mi ze sike kutalusa sika, ki kuyena feela.

¹⁴⁶ Kono Jesu utisa sesiñwi ku wena Ha sweli kungongota. Utisa swalelo. Usike wa i hana. Kakuli, sina mo ne ku atulezwi mwa likuta zaluna mo, ki mo ku kabela ni mwa Mubuso wa Mulimu. Haiba Na ngongotile ni kutisa swalelo, mi wa i hana, ni kushwela mwa libi za hao, u ka shwa; ni ha ne ubile ni litohonolo la kufumaneha mwa mukopano sina woo, ni ha ne una ni litohonolo la kuba mwa ncafazo, kamba keleke yahenu, mi u utwile mulisana wa henu akutaza liñusa la Evangel. Mi no bile ni nako, ya kubulela kuli, “Eeni, Ne ni lite kwani.” Mwendi, wena, kutata kuziba so kona kubulela. “Ne ni utwile kuopela. Ne ni ikozi. Ne ni utwile bupaki. Neli bwa luli.” Kono wa Li hana.

¹⁴⁷ Kucwani kambe Ne nili mucaha wa mwanana mi na fumana musizana yomunyinyani; ya li yomunde, yali Mukreste? Na ka eza...Na swanela hande kaufela-...[Hakuna manzwi fa tepu-Mu.] Hamukoni kufumana mulatu ku Lona, kono mulukela kubeya kwatuko lizo kaufela za batu. Mu li, “Oh, Ni lumela kuli Zeo kizende. Na bona, wa ina...” Kono una ni Li amuhela. Wena...Kona kuli musali yani uba siemba sa ka. Mi uba siemba sa Linzwi, ili yena Munyaliwa. Haiba ki Yena Linzwi, Munyaliwa ukaba Munyaliwa wa Linzwi. Mwabona, kaniti ku kaba cwalo! Mwabona, u swanela ku Li amuhela. Ko kakona... No ka bulela so bata kubulela, no ka bulela ka za Mueteleli; kono hañata Jesu ha taha fa munyako waluna, lu Mu lelekelanga fela kusili. Mwabona, fela ha lutangi sa kueza ni Yena. Luli, “Kihande, zazi leliñwi fela.”

¹⁴⁸ Kucwani ha ne mu ka ngongota fa munyako wa mutu? Cwale ha lu futuleñi fela siswaniso fa muzuzu fela. Ku cwani hane u ka yo ngongota fa sikwalo sa yomuñwi, mi u mu lwalezi sika? Mi, kasamulaho wa zeo kaufela, na kaba kuwena inge mo ne ukabela ku Mulimu; kihande, haiba ueza cwalo, kiñi, kulukile, kono hauna ze kutama. Kacwalo ha u ngongota fa munyako wa mutu, mi anangele fela fa lihaul, ni kukwala lihaul; kamba neba kutaha kwa munyako, ni kubulela kuli, “Utahe nako isili!”

“Kihande, Ni tabela kuli...”

¹⁴⁹ “Hanina nako kakusasana cwana!” Wa ziba zo no kaeza? Kaniti ki nto yeswana ye Ni kona kueza, mi babañwi ba bona, hamuna kukuta ni hanyinyani.

¹⁵⁰ Kono isiñi Jesu. “Ni yemi, na ngongota,” kuswalelela kungongota. [Muzwale Branham uswalelela kungongota fa sika—Mu.] Mwabona? “Ya bata,” isiñi ya bata hañwi. “Ya bata! Ya ngongota!” Kungongota, kungongota ki kuzwelapili, kungongota! Mwabona, “Ya bata, ya ngongota, ku ka...” Isiñi fela...

¹⁵¹ Sina nguli ya sina niti. Musali naile kuyobata kuli amu atulele, amukutiseze, kono na si ka fiwa tuso. Muuna... Musali ka tundamo aekeza ku mukataza. Mi ki hali... “Kuli ni mulibale fela kwateni yoo, Ni ka mu atulela kwa sila sa hae.”

¹⁵² Kana Ndate yakwa Lihalimu uka eza cwani? Mwabona, ilukela kuba luna baba ngongota fa munyako wa Hae. Ne ilukela kuba Adama ya na matela kafa ni kafa mwa simu, inza huwa, “Ndate! Ndate, U kai?” Kono bakeñisa, kuba cwalo, neli Mulimu ya na sweli kumata kwa ni kwa mwa simu, “Mwanaka! Mwanaka, u kai?” Mwabona, seo sibonisa mo inezi. Luna kamita lwa ipatanga, mwa sibaka sa kuli lutahe luipulele. Lwa lika kumata, kuipata kwa mulaho wa sika. Seo kona fela sibupeho sa mutu, luna ni sona ka nzila ona yeo. Eni, sha.

¹⁵³ No ka fa batu ba zende kaufela ku zo nani, kaufela. Kono haukoni, haukoni ku—ku—ku amuhela Jesu. Ha ni talusi mina, kono Ni talusa sicaba kwanu.

¹⁵⁴ Kamba mwendi mukona kubulela cwana, mwakona kubulela kuli, “Mukutazi, Ni ezize fela ona cwalo. Ni—Ni kwaluzi fela pilu yaka ni kulumeleza Jesu kutaha mwateni. Ne ni ezize cwalo myaha yelishumi kwa mulaho. Ne ni ezize cwalo myaha ye mashumi amabeli kwa mulaho.” Kihande, zeo likona fela kuba hande, kono kana kona fela zo ezize ona zeo kihona? Mwabona?

¹⁵⁵ Ni bata ku mi buza cwale. Haiba ukona ku mema mutu mwa ndu ya hao, mi cwale ha u kena mwa munyako... Yomuñwi u ku memile, nitaluse, uli, “Taha kwanu.”

¹⁵⁶ “Eeni, Nina ni mulelo, Ni ka zwa mwa tolopo ni to kutekiwa, mwa bona.” Cwalo babañata kona mo ba amuhelela Kreste. “Nika... Ni—Ni wa siemba sa keleke. Ni wa siemba sa *Kuli-ni-kuli* sibaka kulo kwanu, koo Dokota Ph. LL. atanga, mwa ziba. Mi ki keleke yetuna luli. Mubusisi wa tolopo kona kwa yanga, ni lika kaufela, mwa ziba. Ni—Ni wa keleke yani nina.” Ba Mu lumelezanga kutaha mwateni, ona zeñata zeo. “Ehe, Ni ka Mu amuhela,” mwabona, kwa bunde bwaka.

¹⁵⁷ Kono kucwani he cwale Jesu ha taha mwa pilu? Batu babañata ba Mu amuhelanga kakuli habalati kuya kwa lihele. Kono cwale Jesu ha taha mwa pilu ya hao, U bata kuba Mulena. Isiñi fela Mupulusi; kono Mulena, hape. *Mulena* ki “buzamaisi.” U taha mwa—mwa sibaka sa ku busa.

Cwale mu li, “Kana ku cwalo, Muzwale Branham?” Luli.

¹⁵⁸ Kucwani haiba—haiba Ni ku mena kwa ndu yaka, mi u taha mwa munyako? Mi wa ngongota fa sikwalo, kipeto Na talima fande, Na li, “Eeni, taha kena. Haiba ukona ku ni tusa, kihande, eza cwalo. Kono cwale, ha u so keni cwale, Ha ni lati kuli u ye kafa ni kafa mwa ndu yaka. U yeme ona foo fa munyako!”

¹⁵⁹ Muhupule, tuto yaluna ki “minyako” mwahala munyako. Cwale, mwahala pilu ya mutu kuna ni minyako nyana yemiñata, mi ona minyako nyana yeo ipatile lika zeñata mwahali. Ye Mu paleliswa kutaha mwahali, zeo mane hakizona kaufela, Yena ha taha mwahali.

¹⁶⁰ Ha Ni taha mwandu ya hao, haiba u ni amuhela kukena mwa munyako, kupalañi, haiba u ka bulela kuli, “Kena mwahali, Muzwale Branham. Ni tabile hahulu ku kubona!”

¹⁶¹ Nenika li, “Kihande, ki litohonolo la ka fa kutaha mwa ndu ya hao!”

¹⁶² “Oh, kikuli ha ukeni u to inafafasi? Muzwale Branham, potoloha mwandu yaluna, ikutwe ku lukuluha!” Oh, mawi!

¹⁶³ Ne ni kaya kwa filici, ni ikungele sikono sesituna tuna, mwendi se si kuma *fa*, na tuluba likatulo zaka, ni kukena kwa musiyo ku yo lobala. Mi Ni kona kuba fela ni—ni mukiti wa mala kuikola, mwabona. Kiñi? Kakuli Ni ikutwile kuamuhelwa. U ni utwisisize hande. Kabakaleo Ni kona kuitumela ha ni ka ni amuhela.

¹⁶⁴ Kono haiba Ni kena mwa ndu ya hao, mi u ni bulelela kuli, “U yeme fa munyako foo, cwale, usike wa fita fita kwa ni kwa!” Ne ni si ke naikutwa kulukuluha. Mina boo? Batili, mwabona, hamukoni kuikutwa kulukuluha. Mutu ha ku memile, mi uli, “Cwale libelela! Ehe, kena, kono uyeme fela ona foo!”

¹⁶⁵ Cwale, kuna ni sikwalo nyana ha u taha mwa pilu ya mutu. Lu ka ambola fela ka buñata bwa zona, mwabona. Haluna nako ya kukena mwa minyako ye kaufela, kakuli kuna ni yemiñata ya zona. Mwabona? Kono, lubulele kuli mizuzu yetatama yelishumi, ha lu amboleñi kuyelikani, minyako yemilalu.

¹⁶⁶ Cwale, kwa neku la silyo la pilu ya mutu, ha mu kena mwa munyako, kuna ni sikwalo nyana kwa neku la silyo, mi sani si bizwa, mwahali mwani, kuli sikwalo sa muikuhumuso. Oh, mawi! “Usike wakena ka munyako wani!” Ha ba lati Mulena kukenanga mwani, fa munyako wani, bwa ni ki buikumuso. “Na ni wa sikuwata sa bafumi. Ta tokomela! Oh, ehe, cwale mutualime, Na mi bulelela, Ni—Ni . . .” Mwabona, ki muikumuso. “U si ke Wa ikena kenela fela kulo koo!” Cwale, Hakoni kuikutwa kuamuhelwa ibile fela ubulukile sikwalo seo sali kupakiwa.

¹⁶⁷ Una ni ku ku kokobeza. Mwabona, kona Za tahela zeo. “Utalusa ni ku ni bulelela kuli Ni swanela kuya kwani mi—mi ni eze sina babañwi?” Kihande, ha u lukeli kueza cwalo, yeo kwateni kona niti. “Kihande, Ni ka ku bulelela, ki sikamañi so

nahana kuli Ne ni ka eza ha Ni kaya kwa kansulu nako yetatama? Ne ni ka eza cwani ha ne Ni ka kopana ni—ni mutu ya ni kenyize musebezi kamuso? Mi sani, Ni lukela kubeya Moya wani kuna, mi kipeto Na tula fani, mwahala musebezi waka, ni ku kala kubulela ka malimi, oh, seo sikona ku ni kokobeza. Batili, zwa kulo foo!”

¹⁶⁸ Mwabona, kifo he cwale, mwabona. Eehe, u ka lumeleza Jesu kutaha mwateni, u ka ikopanya kwa keleke ni kubeya libizo la hao ku yona, u amuhele Jesu kuba Mupulusi wa hao; kono kucwani he ka kuba Mulena hao, foo ha Sa ku sweli hande? Yena Ha li Mulena, Una ni zona kaufela, ki ba Hae; u, u ipile kakutala ku Yena cwale.

¹⁶⁹ Kono muikuhumuso nyana wani. “Oh, u talusa, luna basali, lu ka tuhela milili ya luna kuhula?” Kihande, sani kona sa Na bulezzi. “Lu ka tuhela kupertanga manala, kamba mipende kwa met?” Kona sa Na bulezzi. “Kihande, unana kuli mitinelo yaka ikaba cwani? Ba ka ni biza kuli ni siyalezi.” Kihande, ipulukele fela muikumuso wa hao. Zwelapili kihona. Uka yema fa munyako, kona fela Fa kona kufita ona foo.

¹⁷⁰ Kono ha u itukisize ku kwalula sikhalo sani, wa Mu lumeleza kuli akene, Uka ku keniseza zona. Maputula aka nepelwa mwa singongolo sa masila se, ni mipende i ka nepelwa mwa singongolo sa masila, mi mukuti uka bulaiwa ki tala haiba uipilesa fa kukutanga milili ya basali, ba silumeli.

¹⁷¹ Cwale muli, “Seo ha si!” Oh, eni, sa eza, nisona. Kona se i bulezzi Bibebe. Yeo ki niti. Mwabona, kuna ni linzwi nyana foo, leo mu sa tabeli kuli Yena autwe.

“Kihande, mulisana waka!”

¹⁷² Hanina taba ka sa bulezzi mulisana. Sani kona se ibulezi Bibebe, “Ki maswabiswa kuli musali aeze cwalo.”

¹⁷³ “Kihande,” mu li, “lu lukela ku ituta lika, Muzwale Branham, ona mwa ku amuhelela Moya o Kenile, ni mwa kubela se, sani.” U ka ituta cwani lipalo za alugebura haiba ha u zibi ABC ya hao? Kanti mane ha u zibi neba ku, mwa kuezeza, kubonahala sina ya cwalo, kuapala sina alimuñwi ya cwalo. Ki maswabiswa kubona basali ba fa mikwakwa kacenu.

¹⁷⁴ Ne ni ile mwa sibaka sesiñwi maabani, fani, oh, mitangana babañwi baba lyangani ba taha. Bani, baana bateni ne ba na ni milili kwa lifateho, mane ya wa ni kwa mikokoto yabona, mi sina tulapi, inge tuapalo totunyinyani twa kuapala banana kwa sikolo, ni bikatulo byebituna kwa mahutu, silomo sa li kuatama neku leliñwi. Wakona kuziba kuli neli libangoki mitakafululele. Mi se bakena mwahali mwani cwalo, bali, “Lu ma French.”

¹⁷⁵ Ki mañi yakona kubiza muuna ya cwalo mwa musebezi wa hae? Mo ba ipiliseza? Mi Na bona bashimani bababeli ba ngana bene bainzi fani...Neba zwelela kwa sikolo sesipahami sani

kwani, lisinyi ze kona ko ne lizwa kwani, kamba Ni lumela baipiza kuli *likokwani* kamba *tumbombo*, kamba nto yecwalo, lika zecwalo ze zwelela kwa England. Mi cwale mwahali mwani sina cwalo, ki mañi ya na ka biza muuna ya cwalo kuli a mu sebeleze? Kana mwakona kubeya mutu ya cwalo mwa pisinisi ya mina, mina baana ba pisinisi? Haiba ukona, kueza cwalo, kuna ni sesiñwi, ha u si ka fita kale fa Sifapahano.

¹⁷⁶ Mutualime basali ba kwande mwa mikwakwa, mi ki maswabisa! Mwendi basali ba basina mulatu bana ni liapalo ze cwalo, mwabona, kihande, ki maswabisa, mo ba bonahalela. Kihande, muli, “Kiñi, musali, usweli kueza boozwa.”

¹⁷⁷ Ba li, “Libeleta fa muzuzu fa, mucaha tuwe! Na ni ya sephala fela sina mo Ni . . .” Zeo zakona kuba cwalo, mwa mihipulo ya hao. Mi kwakona kuba cwalo, mane kuya ka litatubo za lipatela, kuli wakona kuba cwalo.

¹⁷⁸ Kono, uhupule, ka Lizazi la Katulo, u ka yo ikalabela ka kueza boozwa. Jesu naize, “Yo kaufela ya talima musali ka ku mu lakaza sa mu bukile kale mwa pilu ya hae,” mi ki wena ya na iponahalize ku yena. Mwabona diabulosi mwa ba foufalize? Ki maswabisa. Ki maswabi. Mwa bona, bana—bana ni moy. Ki moy o eza cwalo. Ki moy o si ka kena.

¹⁷⁹ Kono Moya o Kenile wa niti uka eza kuli musali atine hande ni kubonahala ya kenile.

¹⁸⁰ Musala ka naize kuna, nako yeñwi. Ne lu ya lu shetumuka mwa mukwakwa, mi lwa fumana musali yana apezi ndelesi, kwa mulaho mwa mishitu yaluna. Neli nto yenca luli, mwabona, ha ki Mapentekota babañata hahulu kwani. Kacwalo, lu fumana kuli na apezi ndelesi. Mi ki hali, “Billy,” ali, “Na ziba basali babañwi bani. Ba opela mwa kwaya kwanu kwa likeleke ze.”

Se nili, “Luli.”

Ali, “Kihande, mi bona ba ipapata kuba Bakreste?”

Se nili, “Mulatiwa, talima. Mwabona, ha lu . . .”

Ali, “Kiñi sicaba sa hesu?”

Se nili, “Talima, mulatiwa, ha lu ba—ba siemba sabona ni hanyinyani.”

Musali ali, “Sikamañi?” Ali, “Ki ma American.”

Se nili, “Eehe, kono ha lu cwalo.”

Musali ali, “Ha lu cwalo?”

Se nili, “Batili.”

¹⁸¹ Se nili, “Ha Ni ya kwa Germany, Ni fumana moy wa Germany. Hane Ni ile mwa Finland . . .” Kwa sauna kwani, ki babakai bamina sikuwata sa ma Finnish ba ba ziba, kuli ba tapisanga baana kwani. Kacwalo, wani ki moya fela wa si Finnish. Ki sicaba sesinde luli, kono, muka fumana, kaufela ko myua, muka fumana moy wa naha.

¹⁸² Ha mu kena mwa keleke yeñwi mu ka fumana mulisana, haiba ki ya ipitezi ni ku kibakiba cwalo, kopano ya hae ikaba ka mukwa o swana. Mwabona? Ba nga moyo wa mutu kufita kuamuhela Moya o Kenile.

¹⁸³ Kona libaka ha luna ni tuto ye lyangani hahulu ya Bibele. Mwa sibaka sa kukutela kwa mutomo, bangile moyo wa kopano yeñwi. Mwabona? Kono Linzwi ki la buenyi fela ku bona sina mo ne Libezi mwa mazazi fani Jesu ha taha cwalo, inza zibahaza Evangeli ya niti. Se bali, “Ki diabulosi. Ki Baalezebubi.” Mwabona? Kono foo mwa utwa.

¹⁸⁴ Mi ki hali, “Kihande, kanti, ha lu ma American, lu bo mañi?”

¹⁸⁵ Se nili, “Mubuso wa luna ki wa kwa Lihalimu.” Mwabona, lu lukuluhile, lu pepilwe sinca. Mubuso wa Mulimu u mwahala mina. Mwabona, mueza sina kwahalimu Kwani, mu lindumeleti zezwelela kwa Lihalimu. Se nili, “Lu batu ba naha mo, lupila mwa nama. Kono, mioya ya luna, lu bazamayi ni baenyi.” Lu ba buenyi kwa lifasi cwale, mane nihaiba naha yaluna, kakuli lu amuhezi memo ha i ngongotile fa lipilu zaluna, kuli lu be siemba sa Hae, Linzwi la Hae. Mi Linzwi la lu lukisa, li lu eza kupila ni ku lueza ba likezo za Bakreste.

¹⁸⁶ Nako yeñwi kwa mulaho, kwa Mboela, likande nyana. Nekuna ni mulena . . . kamba, neli muleki. Ne ba lekisa batanga. Fani neli ka nako ya—ya ketululo, mi neba na ni batanga kwa Mboela. Nebali mu . . . Ne bayanga ku yo ba leka, inge fela mo mukona kulekela muta ye itusisizwe, kuileka fo i tomilwe.

¹⁸⁷ Cwale, Ni mutu ya lata ku kopanya lika, kaniti . . . Ni talusa ya lata saluluti. Na ni mutu wa saluluti. Kakuli, Hanina taba kamba ba kanana cwani, haukonu kuba Mukreste ni kuba ya kopanya kopanya lika. Yeo luli ki niti. Mulimu mane u kauhanyanga linaha za Hae. U kauhanyanga sicaba sa Hae. “Amuzwe mwahala bona!” Yena ki . . . Yena ki wa saluluti. “Musike mane . . . Mwa swala neba ze si ka kena zabona!” Na hohile Isilaele, ona lusika lwa si Juda lwani, kuzwa mwahala, masika kaufela a lifasi. Yena ki wa saluluti.

¹⁸⁸ Kono ha Ni lumeli kuli kuna ni mutu ya lukela kuba mutanga. Mulimu na ezize mutu; mutu aeza batanga. Ha ni lumeli kuli mutu ulukela kubusa yomuñwi, lusika lufi kaufela, mushobo, kamba sika kaufela.

¹⁸⁹ Koon kuna ni ketululo, Munyaliwa wa Kreste u ketuluzwi kwa likeleke zeñwi kaufela, mi yeo luli ki niti: keleke ya nama, ni Keleke ya moyo; keleke ya nama, Keleke ya Linzwi. Kubile cwalo kamita. “Jesu na tile ku ba Hae tota, ba Hae ha ba si ka Mu amuhela; kono bona baba Mu amuhezi kaufela!”

¹⁹⁰ Kacwalo se, nekubanga baleki, baleki ba batanga ba ya mi ba yo itekela batanga. Nako yeñwi nekuna ni alimuñwi yana tile kwa sibaka sesituna, mi a ba talima. Batanga ne ba natilwe luli, ni lika kaufela, mwa ziba. Ne bali kwahule ni malapa

abona; ne ba si ke kukutela kwateni hape. Mabbunu, bona ma Hollanders, nebaile kwani mi ba yo itekela bona, ni kubatisa kwanu ku to ba lekisanga. Mi ne ba si ke babona bondate, boma hape, ne ba si ke ba bona limbututu zabona hape. Ne ba ba zwakanisa kipepana mwahala bona; ba nga muuna yomutuna, ku mu kopanya ni musali yomutuna, ku mu zwisa ku musala hae, kuli ba be ni batanga babatuna. Oh, Mulimu ukaba una ni kueza ba yo ikalabela zona zazi leliñwi! Yeo ki niti. Zeo ha li si ka luka.

¹⁹¹ Sina Abraham Lincoln mwa na bulelezi nako yeñwi, ha na tuluka mwa mukolo mwani mwa New Orleans, atubula kuwani ya hae ya yeshengile . . .

¹⁹² A bona batu babalalu kamba babane babansu, inge ba taha, kusina se ba tinile kwa mahutu, kone bana ni . . . Komu ne ibutile mi neku—neku na ni pukafafasi, ne ba yemi ha ba feza kulisa likomu. Mahutu abona a luluha, mane a lota mali. Ne ba sweli kuopela kuli, “Muna ni makatulo, Nina ni makatulo, mi bana ba Mulimu kaufela bana ni makatulo.”

¹⁹³ Ha yo tuluka mwa mukolo kwani, aya kwa mulaka wa malumo, nekuna ni mutu yomunsu yana yemi kwani, yana mu nataka pukuta, inza tatuba pilu ya hae. Ni ku mu matisa mwa mukwakwa, ni tupa kwa mulaho wa hae; mi a to tatuba pilu ya hae, kubona haiba na li fela hande. Musala hae yomunyinyani wa mubotana ali kuyema fani, ni bana bababeli kamba babalalu mwa mazoho a hae *cwalo*; ku mu lekisa, ku mu zwakanisa ku musali yomukima. Abraham Lincoln a swala sani mwa kuwani ya hae . . . aswala kuwani mwa lizoho la hae, sina *cwalo*, ni kunata ñindi ya hae, ki hali, “Ao ki mafosisa! Mi zazi leliñwi Ni ka nata fateni, haiba li ka ni tiseleza bupilo bwaka.” Mi kwani, mwa ndu ya bo sibuhabuhi mwa Chicago, ku na ni ndelesi ya mali, yene lukuluzi mutu yomunsu yani.

¹⁹⁴ Mi Ni bulela kuli sibi ni lika zeñwi li fosahalile! Mulimu ani tuse ku li nata, ni bakutazi babañwi kaufela ba Evangelii. Lu pepilwe lu lukuluhile, bana ba Mulimu. Haluna musebezi wa tuto ya tumelo kaufela kamba tumelo ye keluhile kuli i lu kenyé mwa Katengo ka likeleke za Lifasi. Lu batu baba lukuluhile ka kupepwia, mwa Moya o Kenile. Luna ni tukelo. Lu zwile mwa lika ze *cwalo* zeo, kuba mapentekota. Yeo ki niti. Cwale lu lukuluhile. Ha lu lukeli kutamiwa kwa lika zeo hape.

¹⁹⁵ Kono muleki yo ali, inza talima batanga ba hae, baba mwanda kamba nto yeñwi, ka bona, fa litema lelituna, ki hali, “Bulela!” Mucaha cwana alimuñwi kwani, ne ba sa mu shapangi; sifuba sa hae ne si fumbukile, ni silelu sa hae mwahalimu, inza tundanisa musebezi! Ali, “Ali! Ni bata ku mu leka.”

¹⁹⁶ Ki hali, “Oh, batili!” Muñi ali, “Yo ha lekisiwi. Huh-uh.”

Ki hali, “Kihande, kana ki mutanga nji?”

Ali, “Eehe.”

¹⁹⁷ Ki hali, “Kihande, ki sikamañi se si mu eza kuba ya shutana?” Ali, “Kana u mu fepa ka kushutana?”

Ki hali, “Batili, kaufela bona ba celanga mwa mukokolombwa, hamoho.”

Ali, “Kana ki yena nduna wa bona?”

Ali, “Batili, ki mutanga fela.”

“Kihande,” ali, “ki sikamañi se si mu shutanisa?”

¹⁹⁸ Ali, “Wa ziba, Ne ni komokanga taba yeo, ni na kasibili. Kono,” ali, “wa ziba, mwani mwa naha ya habo ko ba zwelela, mwa Africa, ndatahe mushimani yani ki mulena wa mushobo omuñwi. Mi ni ha li muzwahule, u ikunga kuba inge mwana mulena.”

¹⁹⁹ Oh, Na hupula, ha ki taba ni yeo kwa Bukreste! Basali, mutuhele kutinanga liapalo ze cwalo! Baana, mutuhele kubulelalanga litaba za lisheha zeo ni zeñwi kaufela! Luna lu bana babashimani ni basizana ba Mulena. Tina inge mulena wa musali, tina inge inge—inge kalibe yakwanile. Eza sina mutangana, si lumelezi milili ya hao kuhula kutaha nifafasi sina *cwana*. Bibele ibulezi kuli, “Ku fosahalile (pupo ya mi luta) kuli muuna abe ni milili yemitelele. Mi ki maswabisa mane ki nto ye sa swaneli kuli musali alapele ni milili ya hae ye kutilwe kwa toho.” Mi ku cwani ka ze? “Ki—ki maswabisa kuli musali atine sapalo se si lukela kuba sa muuna.” Mulimu yomutuna ya sa cinci ha cinci. Kono niteni kacenu li ceputukile sina naha yaluna kaufela mo ibezi. Maswabisa! Ha lu ezeñi sina bana ba bashimani ni basizana ba Mulimu. Ha lu pileni ka zona. Lu bana, lu bana ba bashimani ba Mulena. Luna lu cwalo. Lu cwalo. Ona fa cwale sikuwata sa busafa ni masila ni bunoyi, mwahali mo, batu ba ipiza kuli “Bakreste” mi ba sa eza cwalo!

²⁰⁰ Kono muhupule, ne lu utwile mungongotelo zazi leliñwi, mi lwa Mu kwalulela akena, muikumuso ni zeñwi kaufea za zwa. Amen. Hanina taba ka mo ba ni bizeza!

Oh, Ni sepa kuli Ni wa mufuta fela wa kale,
Kono Mupulusi waka neli wa mufuta wa kale,
niyena.

²⁰¹ Kana ku cwalo? Mu utwile pina yateni. Mube ba mifuta ya kale! Musike mwa lika ku likanyisa mutu yomuñwi. Ki yena Mutala wa hao. Aku like kuba sina Yena, mi Moya oli ku wena uka ku tusa kueza cwalo. Ueze bupilo bwa hao kuba sina bwa Hae.

²⁰² Eehe, kuna ni munyako mwani. Ni bata kubiza munyako omuñwi. Ni se ni liyeha hahulu. Kuna ni munyako omuñwi fani, bukaifi feka ni munyako wani, hamuya kwa neku la silyo cwalo, mi munyako wani ki munyako oliba kwa bupilo bwa hao bwa kwa mukunda. Oh! Oh, ha u lati ku Akene kwatensi kwani. “Cwale, haiba Ni bata kuya kwa kubina kwa mukiti wa

tucwala nyana, ki sikamañi seo ku Wena? Ki keleke mañi ye ka ni bulelala se Ni ka eza?" Uh-huh, ki fo he cwale, mwabona. "Sa bulishumi mwa lituwelo zaka? Ki mañi ya ka ni bulelala sa kueza? Bwani ki bupilo bwaka bwa kwa mukunda! Kona mo ni fumanela masheleñi. Ni na ni bupilo bwaka ninosi. Ni ka tina tuputula haiba Ni bata kueza cwalo. Yeo ki tohonolo yaka ya bu American." Yeo ki niti. Luli. Kiniti.

²⁰³ Kono haiba u ngunyana, mi isiñi puli, mwabona, lingu kona Za bata. Li ka kauhana zazi leliñwi.

²⁰⁴ Ngu ina ni boy a bwa ngu. Yeo kona nto inosi fela ye inani. Mi haikoni kupanga booya. Ha lu si ka kupiwa kuli lukezeze muselo wa Moya, kono ki *kubeya* muselo wa Moya. Mi haibile fela ki ngu, ika beya. Ha ilukeli ku ipangela. Misinga ni lika kaufela ze ku yona ki ngu, ika beya boy a kakuli ze li kuyona mwahali ina ni misinga ni litalo la mwahali ni zeñwi ze ikonisa kuba ni booya.

²⁰⁵ Mi ha uli Mukreste, uka lumelelana ni Linzwi. Hanina taba ka sa bulela mutu ufi kaufela. Ha u lukeli kubeleka sika ka buwena, ni kuwisa sika, kuhoha, kukasha. Wena u Mukreste. Mu beya fela muselo wa Moya. Mwabona? Mwabona, mi cwalo kona mo kuinezi. Mwabona?

²⁰⁶ Kono, sicaba kacenu, haba lati kuli mueze sesiñwi fa bupilo bwa bona bwa kwa mukunda.

²⁰⁷ Nto fela yo eza, kwalula fela sikwalo kaufela, cwale uli, "Kena mwahali, Jesu." Ubone se si ka ezahala. Ha mu bona mwa Buka, mu lukela kueza *se*, muka si eza. Kiñi? Mu lingu, ka kukala, cwale.

²⁰⁸ Kono haiba mubata fela kuina, mu Mu beye fa munyako, kubulela fela kuli, "Ni ikopanyize kwa keleke. Ni yomunde sina wena. Mwabona, Ni amuhezi Kreste." Mwendi ona zeo kona zo eelize fela. Kono kana u Mu ezize *Mulena*? Mwabona?

²⁰⁹ Cwale, Mulena hakoni kuina mwa Buka ya milao ni kubulela Linzwi, mi ni ku kuta ku to Li latula. Mi haiba u bulela kuli una ni Moya o Kenile, mi Bibebe ibulela taba yeñwi ya kueza, mi u li, "Oh, Ha ni lumeli Zeo." U hupule fela, moya wani o ku wena ha ki Moya o Kenile, kakuli Hakoni ku I tatula. Yeo ki niti. Hakoni ku i latula Iliyena. Na ñozi Linzwi, mi Wa Li tokomela, ku Li peta. Mwabona? Kacwalo ha ki Moya o . . .

²¹⁰ Ki moyo, ku lukile. Ikona kuba—kuba moyo wa keleke. Ikona kuba moyo wa mulisana. Ikona kuba moyo wa lifasi. Kwakona kuba cwalo. Ha ni zibi kuli ki sikamañi, kono, seo kaufela sili sona, ikona kuba moyo wa kopano, "Ni wa Methodist. Ni wa Baptist. Ni wa Presbyterian. Ni wa Pentekota. Ni wa *se*." Yani ki Pentekota.

²¹¹ Cwale muhupule, haluboneñi ni li beye hande; pentekota ha ki kopano, pentekota ki kutwisiso ye mu amuhela. Mina ba Methodist, ba Baptist, Bakatolika, ni babañwi kaufela,

mwakona kuba ni kutwisiso ya pentekota. Haukoni kuikopanya kwa pentekota, kakuli hakuna mukwa wa kuikopanya kuyona.

²¹² Ni se nibile mwa lubasi lwa baha Branham ka myaha ye fifite-faifi. Mwa ziba, ha ba si ka ni kupa kuli ni be mu Branham. Ne ni pepilwe cwalo, nili Branham.

²¹³ Mi cwalo kona mo u inezi Mukreste, u pepilwe uli Mukreste. Yeo ki niti, cwale.

²¹⁴ Oh, bupilo bwa kwa mukunda bwani! “Oh, Na ku bulelala, mulisana waka wayanga kwa kubina mibinelo yee, mi lwa minyukanga. Bana ni zona.” Ku lukile. Mwabona? “Usike wa to ni bulelala se Ni kona kueza ni se Ni sa koni kueza.” Ku lukile, mwabona, hauna ku Mu lumeleza kukena.

²¹⁵ Aku Mu lumeleze fela akene nako yeñwi, mi ni kukutela kwa kubina za rock-ni-roll, kamba kaufela so ka eza, ubone so kona kueza. Haukoni kueza cwalo. Aku Mu lumeleze akene nako yeñwi, mi ukale kutinanga tuputula, babañwi ba mina basali.

²¹⁶ Ni ziba kuli Ni mi ngela nako yetelete, kono Ni bata kubulela nto iliñwi fela, haiba ku lukile, ka mukwa woo.

²¹⁷ Na sepa, mukopano omutuna hahulu wo Mulena akile ani lumeleza ku Mu ezeza neli kwa Bombay, ko ne Nibile ni baba kuma fa faifi handeleti sauzande, kono, ni tu handeleti ni ma sauzande cwalo mwa—mwa Africa, Durban, mo ne kumata baba lakana. Musihali wani, Na li, ba sa mano bona nto yetuna ye komokisa yeo Mulena aluna yomunde ha na tulukile ni kueza, Se nili, “Babubeli ba linzwi ba mi lutile Linzwi, kono haili Linzwi lona libubebe mi la pila. Sa bulela Yena sina ni kutaha kwa bupilo.” Mi—mi cwale hane kuna ni lifoliso ze twenti-faifi sauzande ze ne ezahala ka nako yeñwi, ni koloi mwa mulaho wa koloi yetezi lipula za kale mwani; neli fela tapelo yelikani kihona, ne ba boni Moya o Kenile fela... Sicaba sani be ne ba sa zibi mane kuli neli bomani ni ko ne ba zwelela, kona fela zene ba bata kubona. Mwabona?

²¹⁸ Mi Na buza, “Ki babakai baba bata kuamuhela Kreste?” Nekuna ni baba kuma fa seti sauzande babato yema ka mahutu, baba apala likubo, ni kulwala fela milimu yabona maswaniso.

²¹⁹ Dokota Bosworth, Dokota Baxter ni babañwi, ba kala kulila. Mi Muzwale Bosworth a mata, mi ali—ali, “Muzwale Branham, le ki lizazi la ku bubekwa kwa hao.”

²²⁰ Muzwale Baxter ali, “Muzwale Branham, Ha ni zibi, Ni sepa kuli ne ba talusa foliso ya nama.”

²²¹ Mushimani yani na sweli mazoho fafasu mi inza kubami ka mañwele. Mi Moya o Kenile wa mu bulelala kwa na zwelela, sene si ezahalile, ali, “U ka bulela. U nahane ka muzwale wa hao, u kwa mulaho mwendi fa licika a maili. Na pahami fa puli ya mubala wa buñandatalukeke, mi a ikolofaza kwwa lihutu.” Se nili, “Kono, SA BULELA MULENA KISONA, u folisizwe.” Se

kutaha mushimani, ni milamu fahalimwa mazoho a hae, sina *cwalo*. Ni kubatanda mizuzu ye mashumi amabeli kuli masole baba kuzise.

²²² Konakuli mushimani yo, fa mazoho a hae ni mahutu, sina *cwalo*, fafasi, na sa koni nihaiba kunanuha, ali fela mapunu. Oh, mawi, ki nto yesabisa luli! Na hupula kuli utaha kwani ku to buha lika, mwa ziba, ku to fita fita mwa—mwa mibinelo ya mishitu. Mi Na nga liwenge ni ku li nyanganyisa. Se nili, “Kambe Ne ni ka kona kutusa sibupiwa sani, mi ni si ke naeza *cwalo*, Ne ni kaba mu . . . Ne ni sike na swanelo kuyema fa. Kono.” Se nili, “Ha ni koni ku mu tusa. Kono cwale Ni na ni mpo yenyinyani, Na kona fela ku i hoha ka swanelo, kaufela sa bulela Mulena.”

²²³ Mi cwale Mulena hana bonisize, a mu bulelela yo nali yena, ali, “Bo mahe ni bo ndatahe bainzi mwani, ki ba mushobo wa si Zulu.” Mi ali, “Ki baba sisani, hañata.” Mu Zulu ukona fela kuba ni bukiti ka lipaundi ze mianda yemilalu, mutu ni mutu. Kacwalo he ali, “Ki baba ipitezi. Kono mushimani yo na pepezwi mwa lapa la Bukreste, kakuli kwa . . . neku la silyo, hamunze muya mwa munyako, kuna ni siswaniso sa Kreste, mwa situngu nyana sani sa bucwani.” Mi yeo luli kona niti. Bo mahe ni bo ndatahe ba nanuha. “Mi leo kona libizo la hae.” Yani kona yo nali yena, ni lika kaufela. Ne ba sa utwisisi. Na talima kwa mulaho mi Na mu bona inza yemi, mwa pono kwani, ka swanelo fela mwa na lukela kubela. Na si ka yema kale fateni, mwa bupilo bwa hae, na pepilwe ona *cwalo*. Na li, “Mulena Jesu wa mu folisa.”

²²⁴ Mane na si ya kondile hande mwa toho, alika kubulela, “uh, ba, ba, ba,” sian cwalo.

²²⁵ Mi se Ni swala kwa liwenge, ni ku nyunga sina *cwalo*. Se nili, “Jesu Kreste, mwana ke, wa ku folisa. Yema ka mahutu.” Ki yani fani a nanuha. Mioko inge ibuba, ni kububa fa mba ya hae yensu, hana nza ya *cwalo*. Na bona baba apezi likubo likiti ze mashumi amalalu ba fa bupilo bwa bona ku Jesu Kreste.

²²⁶ Kwani neli kwa Kiwanis Club, Na li cwale . . . Mi ba ni bulelela kuli Ne ni ka “ba mupikuluhi ya kenile” ha Ni zwa mwa keleke ya Baptist, kuli Ni kone kuikambota ni sicaba kaufela. Se bali, “Kihande, u kaba mupikuluhi ya kenile,” Na ina. Sikwata sa mizwale baka ba Baptist ba bulela. Se nili, “U lumile babuleli ba linzwi mwahali mwani, ka myaha ye mwanda ni mashumi aketalizoho yefitile, ne Ni ba fumani cwani? Inge ba sa lwalanga milimu ya maswanso.” Se nili, “Kono mata a zuho ya Jesu Kreste, likiti ze mashumi amalalu ne li amuhezi Kreste ka nako iliñwi.”

²²⁷ Cwale Ni bata kubulela ku mina basali, mwa ziba sene si ezahalile kwa basali bani? Se nili, “Ona fa sibaka fo moyemi, Moya o Kenile uka mi taza.” Mi ha ba nanula mazoho a bona kuli ba amuhele Kreste kuba Mupulusi wa bona, mi ha ba zwa fani; mapunu, cwale, hakuna konji fela kaemba, kalapi, fa pata. Mi

ha ba ya kuzwa fani, ba puta mazoho abona sina *cwana*, kakuli nebali fapila mutu, kasamulaho bamano amuhela Kreste.

²²⁸ Cwale lukona cwani, likezeli, kana lukona cwani mwa naha ye mo lu ipulela kuli lwa lumela ni kuba Bakreste, mi mwaha ni mwaha ba ekezehanga hahulu? Kanti, mutu yani mane na si ka utwa kale Libizo la Kreste, kono na Mu amuhezi fela mwa pilu ya hae. Batili, hamukoni ku ba bulelala kuli ba mapunu, ne ba sa zibi cwalo. Kono ne ba ikwahela sina *cwana*, ku ikela. Zazi lelitatama, kamba amabeli, ne mu ka ba fumana ni liapalo ba apezi, za mufuta omuñwi. Oh, mawi!

²²⁹ Kuna ni se si fosahalile kokuñwi. Ki kufutuka kwa lituto za bulapeli. Mata a zuho ya Jesu Kreste, sina mwa Na ezelize ku muuna yana bizwa kuli "Mpi," lwa mufumana inza tinile mi ali yaiketile hande mwa toho. Mi se Ni kala kulumela kuli ki moyfa sicaba o ba kenya mwa bu American ni mwa bu Frenchism, ni mifuta kaufela ya bu lifasi ni keleke. Kono nako ilñwi ha ba tahe ku Muluti yani, mi bautwe kungongota kwani fa munyako, ba ka apala liapalo ni kueza sina basali ni baana, mi ba ka pepwa sincakuba Bakreste. Amen. Eeni.

²³⁰ Cwale Ni felize, mizuzu ye mashumi amabeli kuli ibe twelufu, fa—fa mizuzu fela yelikani, haluboneñi ni fitelele zeñwi. Fa nako nyana fela, Mañolo amañwi, Ni tabela ku kwalula sikwalo sesiñwi hape. Kana kukaba hande?

²³¹ Sikwalo se sitatama, kulo foo, ki tumelo. Mwabona, bupilo bwa hao bwa kwa mukunda... sikwalo sa muikuhumuso, bupilo bwa hao kwa mukunda, cwale ha lu kwaluleni tumelo. Ki buñata fela bwa zona, mwabona, kono ha lu yeni mwa tumelo.

²³² Mwa ziba, nako yeñwi kwa mulaho Ne ni nzi mwa sipayela mi musali cwana na ya kwa kupazuliwa. A ni biza, mi ali, "Muzwale Branham, Ni wile mwa tumelo. Kana uka ni lapelela kwateni?"

²³³ Se nili, "Eeni, ima, Ni ka tabela kueza cwalo." Se nili, "U wile?"

"Eehe."

²³⁴ Se nili, "Cwale ha lu libeeleni fela fa muzuzu. Halu boneñi ni ku balele Mañolo."

²³⁵ Nekuna ni kalibe yana lobezo mwa mumbeta fani, inza ni talima, ka mukwa wa lisheha; yena, ni mwana hae wa mucaha wa myaha ye mashumi amabeli cwalo, Ricky ya zibahala, mi inza yemi fani inza ni talimela cwalo.

²³⁶ Mi se Nili, "Eeni, ima," Se nili. Na mu balela Mañolo, "Libi za mina ni ha li ka ba ze fubelu, lika ba zesweu sina litwa. Ni ha li ka fubela sina lizuku, li ka fetuha zesweu sina boyo bwa ngu." Mi Ni ma no mu balela yani, Na li, "Haiba u keluhezi kwahule, mwabona, uile kwahule ni Mulimu, kono Mulimu ha si ka kusiya, ku si cwalo no si ke wa ni biza." Akala kulila. Se nili, "Lu ka lapela."

²³⁷ Kalibe yani mwa mumbeta otatama, ali, “Libeleta fa muzuzu! Libeleta fa muzuzu foo!”

Se nili, “Eeni, ima?”

Musali ali, “Hoha lisila leo!”

Mi se Nili, “Kana ha u Mukreste nji?”

Musali ali, “Lu ba Methodist!”

²³⁸ Se nili, “Kihande, seo sina ni sikamañi sa kueza ka sona? Mwabona, zeo ha li shutani ni kubulela kuli u—u mbongolo fela, haiba u mwa mulaka wa likulube, mwabona.” Se nili, “Sani ha si talusi sika.” Mwabona?

²³⁹ Kono, mwa bona, fani kona ko lifitile, kuluka kwa kuikeza. “Zani li lwanisa tumelo ya luna!” Se nili ki . . . “Ha lu lati foliso ya Bumulimu mwa keleke ya luna, kamba mufuta o cwalo wani.” Mwabona, mwabona se Ni talusa? Mwabona, habana ku mu lumeleza kukena mwa munyako wani. “Zeo li lwanisa tumelo ya luna.”

²⁴⁰ Kuna ni fela Tumelo iliñwi. “Tumelo iliñwi, Mulena alimuñwi, kolobezo iliñwi.” Tumelo yani!

Tumelo ya ka italima Wena,
Wena Ngunyana ya Kalvari,
Mupulusi Yapahami;
Cwale u twa Na lapela,
Zwisa ku sa lumela kwaka kaufela,

²⁴¹ Sibi! Sibi, kuna ni fela sibi silisiñwi, seo ki ku sa lumela. Mutu ya nwa ha ki muezalibi. Mwabona, sani—sani—sani, mwabona, ha ki sibi. Ha ki si—ha ki sibi sa kunwa. Ha ki sibi kueza boozwa. Ku bulela buhata, ku uzwa, sani ha ki sibi. Yeo ki milelo ya ku sa lumela. Haiba u mulumeli, no si ke wa eza cwalo, mwabona.

²⁴² Kuna ni fela bababeli, u ya sa lumeli kamba u mulumeli, mwabona, alimuñwi kamba yomuñwi. Ha muezi lika ze kaufela ni litaelo za bulapeli ze cwalo, bakeñisa fela kuli ha mu lumeli; haiba u mulumeli, ki Linzwi lo lumela ku lona, kakuli Kreste ki Linzwi. Mwabona? Mi kacwalo wena u mulumeli fela kakuli u lumela sizo sesiñwi, kamba lituto zeñwi za litumelo ze ekelizwe kwa Bibele, kamba nto yeñwi, ni likopano mo li ezeza. Kono mulumeli wa niti uinelela hande ni Linzwi lani. Mi Mulimu ubeleka kuya ka Linzwi lani, kuya ka ku Li eza kuli liezahale, mwa lusika lo lupila ku lona loo.

²⁴³ Mi cwale mulemuhe, mi mu li, “Oh, Na . . . Muzwale Branham, Mulena . . .” Kihande, zeo li lukile, nekuna ni Maflisita babañata baba si ka kena mwa mupato bene baile nako yeñwi, nibona. Mi sikwata sa Maegepitá sa lika kulatelela Mushe kusila li—li Liwate Lelifubelu, kono kwa mafelelezo . . . “Sina Janise ni Jambresi ha ne ba hanyenza Mushe, kihande,

lu fumana nto yeswana mwa lizazi la mafelelezo,” ki Bibele ye bulezi.

²⁴⁴ Cwale fa pata nyana fela. Jesu naize fa, mwa—mwa lusika lo, “Kakuli u bulela kuli, ‘Ni fumile, mi ni atezwi ki bufumu.’” Mutualime feela mo luinezi kacenu, bufumu bobutuna luli keleke mo ikile yabela! Mi, kihande, mwa ziba, mina ba Pentekota ne kukaba hande hane mu kaba kwande kwani ni kambuli, fa lilulu, sina bo ndata mina ni boma mo ne ba inezi. Kono muna ni likeleke zende kufita zeñwi za zona cwale, ze hula kapili mwa lifasi; kono Moya wa Mulimu wani ukai mwahala luna? U siile nto ya luli. “Kakuli u li, ‘Ni fumile.’”

²⁴⁵ Muhupule, ye ki Pentekota ye bulelwa, kakuli lusika lwa Pentekota kona lusika lwa mafelelezo. Mwabona, ona ancafazo ye lubile ni yona ye, hakuna kopano yeñwi ye ka kalisa. Hakuna kuba ni yekana. A kona mafelelezo. Buloto bu se bu hulile cwale. Bu tahile mwa matali, ni litaka, ni mukuñu, mi cwale se li buloto cwale. Mwabona, ha ku sana kuba zeñwi. Ba kalisa Pula nyana ya mwa Mulaho, kono ya wela fela mwateni; sika sifi kaufela si ka ba cwalo. Ba ka eza cwalo. Bo kona buloto bo bu taha. Mulemuhe.

²⁴⁶ “Mi kakuli u li, ‘Ni fumile, mi ni atezwi ki bufumu, hanina se ni tokwa,’ kanti ha u zibi kuli u nyandile, u mwelwa, u sibofu, u inzi mapunu, mi ha u zibi; Na ku eleza...” Oh, mawi! “Na ngongota fa sikwalo sa hao.” [Muzwale Branham u ngongota fa sika—Mu.] “Laodesia, Na ngongota fa munyako wa hao, ni ku eleza kuli utahe ku Na, ni—ni kuleka gauda yelikilwe mwa mulilo; liapalo zesweu, kuli mapunu a hao asike a bonahala.”

²⁴⁷ Tubula lika zeo, mi u apale mo swanela kutinela, mwabona, kuluka kwa Kreste, ona Manzwi. Isiñi kuluka kwa ka; kuluka kwa Hae!

²⁴⁸ “Mi hape Ni ku eleza kuli—kuli utahe, unge mulyani wa mwa meto, kuli utoze meto a hao, kuli u bone. Mulyani wa mwa meto!”

²⁴⁹ Ni mu Kentuckian. Ne ni pepezwi mwa malundu, mi ne lubanga ni sibaka nyana mwa situwa. Mi luna banana ne lupangile ma—ma manela ka kota ya kale, kone lu pahamanga zazi ni zazi busihu. Mi lu yo lobala. Neba ti lo beya tende fahalimwa luna ha ne kunela mbundu. Kihande, linaleli, mabala a kale na kokonyani...

²⁵⁰ Ki babakai babaziba libala le li kokonyani? Kihande, muzwale, kiñi ha Ni si ka tina fela ma obolosi kwanu? Ni kwa lapa fela, mwabona. Kihande, mabala a kale ani a nani makakalapa!

²⁵¹ Ki ba bakai baba mumbeta wa bucwani? Cwale ki sikamañi so ziba! Na hupula kuli Ne ni ikutwa bulapeli kanto yeñwi. Kihande, Ni sepa kuli Ni inzi kwa ndu cwale. Zeo ki zende. Mi Ne ni sa zibi sika kaufela konji ka lilimo nyana zefitile.

²⁵² Ki babakai baba ziba seo lambi ya kale ili sona, mupaipi wa musi, mwa ziba? Yani neli yona kweli yetuna, ni minwelo kwa tuko. Nebabanga ni lizoho nyana kwandu, ne lu tapisanga nto yani, mwa ziba. Ne ni shimbanga mupila mi na sela mezi fateni, mi ne i ni hasaka mezi; kacwalo Na nga lambi yani ya musi ni ku i futula, kuli isike ya hasaka mezi. Eeni, luli.

²⁵³ Cwale, bokuku ba baana ne ba teyanga tutwa. Boma bona boma bazwelela kwa mishitu. Ne ba nyezi musizana wa mu Cherokee Indian yazwa kwa libaka za mishitu kwani kwa Kentucky ni Tennessee, mwa ziba kwa, musindi wa Cherokee. Mi, bona, a—a zuma ni kuswasa, ka nako kaufela, yani neli—yani neli nzila ya na pila ka yona.

²⁵⁴ Mi luna banana lulobezi fani, kupalañi, fokuñwi ku batile luli. Mi silami sani inge sikena mwahali mwani, ne lu kenelwa ki silami mwa meto, mi—mi meto aluna na itimanga kulamatela busihu, mwa ziba. Boma ne ba ibiza kuli “malanga.” Hani—Hani zibi kuli sani ki sikamañi, kono silami ne si kenanga mwa meto a mina, mi ne ku ka batanga. Mi ne ba bulelanga kuli, “Una ni malanga mwa meto a hao,” kakuli neku—neku, mwa ziba, moyo nosweli kufefauka cwalo kwani, liñungwa nelitile busihu. Meto aluna kipeto a luluhu ni kuitima.

²⁵⁵ Mi boma ne ba pahamanga fa manela fani, kakusasana, hane ba luba mañende. Ne ba banga ni bikoto bya shuka byene bi inzi fa tafule. Mi ne ba bulela kuli, “Billy!”

Ne ni kali, “Eehe, ima?”

“Wena ni Edward u shetumuke.”

²⁵⁶ “Ima, Ha ni boni!” Na biza munyana ka, ne lu mu biza kuli, “Humpy.” Se nili, “Hakoni kubona, ni yena. Mwabona, meeto a luna ana ni malanga.”

Mi ba bulela kuli, “Ku lukile, fa muzuzu fela.”

²⁵⁷ Mi bokuku ba baana, ha ne ba swasa kangamba. Ki babakai baba ziba kangamba? Sani kona, mi kipeto ba... Ba swasa kangamba, ni kuzwisa kwateni lisuzo ba li beya mwa kakapa. Mi ona lisuzo la kangamba lani neli mulyani kwa lubasi kaufela. Ne ba lu tozanga lona ha kubatile, ni mezi a mwa makwati likota, ni oli ya likota. Ne lu mizanga bakeñisa litombo za fa mumizo. Kipeto ba nga lisuzo la kangamba leo, ni ku to lu toza lona mwa meto, kipeto meto aluna a tona. Mwabona, neli lisuzo la kangamba lene li eza cwalo. Mwabona?

²⁵⁸ Cwale, muzwale, kezeli, lu fitile mwa moyo o bata, mwa keleke. Yeo ki niti, moyo omuñata wa bulapeli utile, mañi ni mañi ukenezwi ki silami. Batu babañata bana ni meto abona aitimile, mi kuna ni Katengo kakatuna ka Likeleke za Lifasi kaka taha, kwanu, kaka hapeleza mañi ni mañi wa mina kukena mwatensi. Ba zwa kwa Linzwi lani, likwata za luna li cwalo. Ni tamehile kwa Liñusa; isiñi kuba ya shutana, kono bakeñisa

lilato. Lilato la sikulula. A mukute! Muinele kwahule ni lika zeo! Mina mizwale baba kutaza, Hanina taba kamba likwata za mina lieza sikamañi, muinele kwahule ni zona! Muinele kwahule ni zona! Ki nombolo ya sibatana, muinele kwahule ni zona! Mwabona, Jesu usweli ku ngongota mwa lusika lwa Laodesia loo. Mwabona ko ne ba Mu kashelize kwande? Ulika kufita ku mutu alimuñwi, isiñi—isiñi likopano ni likwata za batu. Ulika kuba ni alimuñwi *fa*, ni yomuñwi *fani*, ni yomuñwi *fani*, inza lika. “Kaufela ze Ni lata, Na shapa.”

²⁵⁹ Sina muzwale yomunyinyani yani hana bile ni pono kwanu, mi abulela kuli nana ni pono. Mi ali, “Ona Liseli leliswana le mu amuhela le, li tisize lifu la mina, ni lona.” Mwabona?

²⁶⁰ “Buñata bwa be Ni lata, Na kalimela; u tukufalelwé, mi ukute. Ni yemi mwa munyako, na ngongota.” Cwale, mutualime, lisuzo la kangamba halina kueza bunde ni bobukana.

Kono kuna ni Liweluwelu leelitezi Mali,
Azwa mwa misinga ya Emanuele,
Mi baezalibi haba nwela mwatasa muunda
wani,
Ba tapa milatu yabona kaufela.

Lisholi lene lishwa lani la tabela kubona
Sona Sibuba sani mwa lizazi la hae;
Ni Na cwalo, nihanili ya maswe,

²⁶¹ A kwalula meto aka, ka mulyani wa meeto a Hae. Moya wa Hae wa tahafafasi ku to futumaza Bibele, mulyani wa meto a Hae. Ne ni si ka Li bona. Ne nili fela mulisana wa mwa sibaka, mulisana wa Baptist. Kono zazi leliñwi A luma Moya wa Hae fafasi, isiñi lisuzo la kangamba la Na futumalize, kono A luma Moya o Kenile ni mulilo! Mulyani nyana wa mwa meto wa zwa mwa Bibele yaka—Libibele zaka... mi Na kona kubona ka liito laka, Ni talusa ku seliwa mwa meto kuli Ni bone Bibele yaka. Mi Ni boni kuli, “Nali ya swana maabani, kacenu, ni kuyakuile. Linzwi la mutu kaufela libe buhata, mi la Ka libe la niti. Ni yemi fa munyako, na ngongota.”

²⁶² Likande nyana fela. Kana luna ni nako nji? Eehe, eehe, mi Ni ka ya, mwabona.

²⁶³ Nekuna ni mutu yomunsu kwani kwa Mboela. Mi, mulisana hae, Ne ni mu ziba, neli mutu yomunde wa mucembele. Ne lu mubizanga luli Gabe. Libizo la hae neli Gabriel, mi ne lu mu bizanga fela kuli Gabe. Yena kamita, mulisana ni Na, ne—ne luyanga kwa kuzuma, hahulu luli. Nali muzwale yomunsu, mi lwa yo zuma. Mi kacwalo muuna muhulu Gabe na lata hahulu kuzuma hande kufita mutu kaufela yene Ni ziba, kono na sa zibi ku kunupa. Kacwalo, zazi leliñwi mulisana wa hae ni yena ba yo zuma.

²⁶⁴ Mi ne lu sa lumelelani ni muuna muhulu Gabe ka za kutaha kwa keleke. Yena zeo na sa li yemeli. Na sa tahangi kwa keleke. Ki hali, “Ah, Ha ni yi kwani ko kuinzi baipi.”

²⁶⁵ Se nili, “Kono, Gabe, haibile fela wa ina fande, ki ba batuna kufita wena. U sweli kuipata kwa mulaho wa bona, mwabona.” Se nili, “U ipatile kwa mulaho wa bona. Wena u mwanana kufita mo ba inez; ba ya inge ba ikataza, mwabona.”

²⁶⁶ Mi kacwalo ali, “Ni—Ni—Ni—Ni—Na nahana hahulu ka wena, Bo. Bill. Kono,” ali, “Na—Na—Na—Na ziba Jones wa mucembele ha ya kulo kwani, mi ha ki sesiñwi; u kunupanga fela zesina tuso, ni zeñwi cwalo.”

²⁶⁷ Se nili, “Zeo li lukile, Gabe. Mwabona, zeo li lukile. Kono, muhupule, Jones una ni ku alaba ka zona; ha ulukeli kueza cwalo, mwa bona. Haiba fela u ya . . .” Se nili, “Una ni mulisana yomunde.”

²⁶⁸ “Oh, Mulisana Jones ki alimuñwi wa baana babande hahulu ku baba liteni mwa naha!”

²⁶⁹ Se nili, “Yo abe mutala wa hao, haiba ha u koni kutilima fahule kufitelela foo. Yo abe mutala wa hao.”

²⁷⁰ Kacwalo zazi leliñwi Muzwale Jones ali, a yo zuma ni Gabe, mi ali, “Ne lu sweli tushakame totuñata ni linyunywani, zazi lani, mane lwa palelwa kulwala.” Mi ali, “Lwa taha mwa manzibwana.” Ali, “Muuna muhulu Gabe na taha mwa mulaho, inza shakatezi cwalo, mwa ziba, sina cwalo.” Mi musala hae neli, Mukreste wa niti ya ishuwile. Nana ni sibaka ona kwani, musali yatezi Moya o Kenile, mi kamita nana ni sibaka sa musebezi wa hae. Kacwalo yena . . . Muuna muhulu Gabe na mu taha mwa mulaho, mwa ziba. Mi Mulisana Jones abulela kuli na talimezi kwa ni kwa, mi abona, “Gabe wa mucembele atundamena kutilima fa liheta la hae, sina *cwalo*. Lizazi ne li likela,” ali, “na ya a ikutwa kufokola luli, kuya kubata.” Ali, “Kasamulaho nyana,” ali nasweli kuzamaya zamaya, ali, “Geba kifo taha. Nana ni muyengo wa sikumisa o utezi fela tushakame ni linyunyani, ni lika zeñwi.” Ali, “A swala mulisana fa liheta, mi ali, ‘Bo mulisana?’”

Ali, afetuha, ali, “Eehe, Gabe, ki butata mañi?”

²⁷¹ Kacwalo atalima, ni mioko yetuna inge ibuba fa malama amansu ani, fo ne kuna ni mulelu wa hae unzo fetuha limbi. U bulela kuli, “Mulisana, Ni bile ni zamaya fa likamba le kwanu, mwendi licika la hola.” Ali, “Ni bile ni talima lizazi lani ha li likela.” Ali, “Wa ziba, ona mahaha a limbi aka a, ni milili yaka yesweli kufetuha mubala,” ali, “wa ziba, lizazi laka li ya li likela nilona, mulisana.”

²⁷² Ali, “Yeo ki niti, Gabe.” Mi a yema fela ni kufetuha kwa mulaho, ali, “Ki butata mañi bobuli ni wena?”

²⁷³ Ki hali, “Lizazi la ka la likela, ni lona.” Ki hali, “Kana wa ziba?” Ali, “Na kala kunahana,” ki hali, “ha ne Ni zamaya cwalo kulo kwani.” Ki hali, “Wa ziba,” ali, “Mulena u lukela ku ni lata.”

Ali, “Luli, Wa lata, Gabe.”

²⁷⁴ Ali, “Wa ziba, Ni mutu ya sa zibi kunonga.” Ali, “Ne ni sa koni kunata sika, kono,” ali, “luli—luli ne lu tokwa nama ye kwa lapa.” Mi ali, “Talima fela fa libunda tuna la lifolofolo la Na ni file, linyunywani ze ni tushakame to.” Ki hali, “Nina ni zeñata zelukela kulu inisa biki yetaha kaufela.” Ali, “Na lukela ku ni lata, kakuli hakuna se Ni kona kukunupa, mwa ziba.” Ali, “Ne ni palezwi kuinonga, kono talima fela mwa Ni fezi zona.” Mi ki hali, “U swanelka ku ni lata, ku si cwalo Na si ke anifa se.”

Ali, “Yeo ki niti.”

²⁷⁵ Mi ki hali, “Kihande, Ne ni na ni kungongota nyana kwa sikwalo saka, kulo kwani. A ni bulelela kuli ni sikuluhe, ali, ‘Gabe, lizazi la hao la likela, ni lona.’” Ali, “Mulisana, wa ziba se Ni ezize, mulisana?” Ki hali, “Ne ni Mu file sepiso.”

²⁷⁶ Ki hali, “Gabe, Ni bata ku kubuza nto yeñwi.” Ali, “Ki kutazo mañi ye Ni kutalize ye ku utwisize cwalo?” Ki hali, mulisana, kamba ali, “Cwale libelela fa muzuzu,” ali ki, “sikwata mañi sa—sa—sa baopeli bene ba opela?”

²⁷⁷ Ki hali, “oh, Na lata luli muopelelo wani kwa keleke yani, mulisana.” Ki hali, “Na lata liñusa kaufela lo kutaza, kakuli li zwelela fela mwa Buka yende yani, mi Ni ziba kuli li lukile. Kono,” ali, “ne si cwalo.” Ali, “Na ngongota fela, mi Na talima kafa ni kafa kwanu, ni kubona bunde mwa Na bezi ku na, sa Na ni file.” Ki hali, “Lasunda kakusasana, Ni ka zamaya kwapata fo uyemi.” Ki hali, “Ni ka kufa lizoho la ka la bulyo,” ali, “kakuli Ni file kale pilu yaka ku Mulena, ona kwa lilundu lani kwani.” Ki hali, “Ni ka kolobezwa, ni kunga sibaka saka bukaufi ni musala ka. Mi Ni ka ina kwani kufitela Mulena ani biza ku pahama.” Mwabona, na talimile fela kwa ni kwa ni kubona bunde bwa Mulimu mo ne buinezi ku yena.

²⁷⁸ Ni mulumiwa. Haiba ne mu ka talima mwa meto mo Ni sweli kutalima cwale, ni kubona sibaka sa ma Indian, ona sicaba se si lapile sani, bahame ba bulaiwa mwa mikwakwa, bana ba bona bapalelwa kulila mane, bakeñisa tala, mi munahane fela ze lubile ni zona kacenu. Mutualime limota ze mutaha ni zona. Mutualimele litino ze mutina. Mutualime mo mufumezi. Mulikani, kana ha u utwi kungongota kwani kokuñwi?

Halu lapeleñi.

²⁷⁹ Ni litoho zaluna zeinami, ni lipilu zaluna cwalo, sina mizuzu hanze ifela, kuli se kusiyези feela mizuzu yesupile kuli ibe musihali tuna. Muzwale waka, kezeli, sayansi i lu bulelela kuli ki mizuzu yemilalu kufita fahala busihu. Cwale haiba mukona

fela kutilima kwa ni kwa, ni kunahana fela fa muzuzu. Bana ba hao ba banyinyani bainzi bukaufi ni wena. Ki babakai ba luñañali . . .

²⁸⁰ Talima musala hao yomunde, muzwale, mi unahana kuli ki baana babakai baba bata madollar alikana ma milioni, ni kulata musali ka pilu ya hae kaufela, ki ndalabangwana ya kwanile. Na kafa ma milioni a hae a bata kuli musali yani a mu late ka mwa latela musala hao. Mi wena, mufumahali, ki basali babakai . . .

²⁸¹ Kuna ni bahame babakai mo kakusasana cwana babana ni bana ba bona, kuna ni bondate babaki; mawi, mawi, kuna ni batu babañata baba talimela kambeta ka mbututu, kanto kaka lobalizwe fahalimu cwalo, mwana ya shebile wa sihole, ni kutalima fa bana babande babanyinyani bo munani. Mwabona? Mi babañata nyana, mwendi . . .

²⁸² O Mulimu! Kuna ni lika zeñata hahulu, kambe ne mu ka talima fela. U bile yomunde hahulu ku luna ma American. Cwale ha mu utwi fela kuli mu ka tabela kuba ni mulyani nyana, kakusasana cwana, “Kwalula meto aka kutibuluha nyana, Mulena, kwalula meto aka”? Sina kezela luna ya lateha luli ha na opelanga kuli, “Liito la hae li tokomela nyunywani, ki nyunywani nyana fela, mi Ni ziba kuli Wa ni tokomela.”

²⁸³ Cwale U sweli wa ku bona cwale. Kana wa utwa fela,fafasi kokuñwi, ku ngongota nyana sina *cwana*, [Muzwale Branham u ngongota fa sika—Mu.], “Ni kupota, kakusasana cwana”? Ki likute lelituna hahulu le likona ku lifiwa, haiba ukona ku utwa ku ngongota fa pilu ya hao.

²⁸⁴ Nanula fela lizoho la hao, uli, “Ka se, Mulena, ka tuso ya Hao ni muhau wa Hao, kuzwa kacenu kuya kwapili, Ni ka pila bukaufi ni Wena ka mo Ni zibela kupilela. Kona fela ze Ni ziba ku Ku buza”? Mulimu ami fuyole. Mulimu ami fuyole. “Ka tuso ya Hao ni muhau, kacenu, kuzwa kacenu kuya kwapili, Hanina kulibala se.”

“Amubone, Ni yemi fa munyako, na ngongota. Haiba mutu ufi kaufela . . .”

²⁸⁵ Cwale, muhupule, ki kai kwa Na ngongota, fa sisihete? Batili. Kwa mupanda njí? Batili. Ki kai Kwa ngongota? Kwa keleke!

²⁸⁶ “Haiba mutu autwa Linzwi la Ka, mi a Ni kwalulela sikwalo, Ni ka kena ni ce ni yena, mi yena ace ni Na.”

²⁸⁷ Mulimu Yomunde, ona manzwi nyana aa, manzwi alikani a bulezwi kakusasana cwana, ka mukwa omuñwi lumeleza kuli Moya o Kenile u toloke mwa lipilu za sicaba.

²⁸⁸ Cwale nekuna ni babañata, Mulena, mwendi kuzwa mwahala baba mwanda ba mo bene bali mashumi amabeli kamba amalalu bene ba nanuzi mazoho a bona. Hanina mukwa wa kuziba fela ze ba tokwa, Mulena. Kono Ni ziba kuli musihali tuna wani ki mizuzu fela ye likani kihona, mi ni Kutaha kwa

Mulena ku cwalo; ibo, litwa le li si ka shengunuka kale kuzwa mwa mubu, lwa kona ku bizwa, mi ye ikona kuba yona nako ye ka cinca bukamuso kaufela bwa kuli haiba ne ba ka siyala mo kamba kungelwa mwahalimu.

²⁸⁹ Mulimu Yomunde, lu kupa ka buikokobezo Jesu, lu amuhela Manzwi a Hae kaufela. Lu taze, Mulena, lu taze ka Moya o Kenile wa Hao, kuli bupilo bwaluna bukone fela kubeya muselo. Lumeleza cwalo, Mulena.

²⁹⁰ Lu swalele lifoso zaluna zeñata. Oh, lu tezi hahulu ka zona, Mulena. Mi haluna sika selukona kufa, Mulena, kakuli, lika kaufela ze lunani, Ulufile zona. Sina Gabe hana bulezi, mwa likande nyana le lu sa zo bulela, "Wena, Wena wa lu lata luli, Mulena, kusi cwalo No si ke wa eza se." Mi, ka kunahana, sicaba se si inzi mo kuzwa kakusasana cwana, siinzi mo kuzwa ka eiti kiloko, ki lihola zene ze ba inzi mo. Ba Ku lata, Mulena. Ba Ku lata. Cwale, Ndate, U lume fela mulyani wa Moya o Kenile, kwalula meto a luna. Mi lube . . .

²⁹¹ Bona babaliteni mo mwa tolopo, ha ba matele kwa ncafazo yani busihu boo, mi hakube kusuluha luli ko ku ipitezi! Lumeleza cwalo, Mulena. Mi cwaleancafazo ya mufuta wa kale ikalise mo mwa muleneñi. Lumeleza cwalo. Fuyola muuna kaufela ya nza ikataza, ufi ni ufi wa batanga ba Hao mwa lifasi kaufela, ya sweli kueza katata. Ba ni bona, Mulena, mi u ba tuse.

²⁹² Kwalula meto a luna kuli lubone, hahulu ni kufita, siswaniso sa Kreste. Lumeleza cwalo, Mulena. Lu swalele libi za luna.

²⁹³ Mi cwale bona baba nanuzi mazoho a bona, Ndate, Ni ba beya ku Wena. Ba amuhele. Cwale Ni bulela Linzwi la Hao Tota, Mulena, ili, "Lihalimu ni lifasi li ka palelwa, kono," No ize, "yena," yeli tulokandina twa mutu, "ya utwa Manzwi a Ka . . ." Mulena, hakulata akona kuba alyangani nyana, kono mutu yomuñwi u a utwile. Peu u cezwi. "Ya utwa Manzwi a Ka ni," kukopanya, "ya lumela ku Ya Ni lumile," kakuli U ezize se, "una ni (tensi yacwale) Bupilo bo busafeli, mi haana kutaha kwapili kwa katulo, kono u sa zwile mwa lifu u keni mwa Bupilo." Ba nanuzi mazoho a bona, Mulena. Ba hanyelize (mulao kaufela) wa sayansi; wa bukiti a mata a kutisa mazoho a lunafafasi. Kono ba pakile kuli kuna ni moya kubona, okona ku utwa kungongota fa munyako, ni kuswala lizoho la silyo kwa Lihalimu. Cwale kwalula sikwalo. Kwalula, Mulena, mi u kene mwahali. Lu ba Hao. Lu amuhele, ka Libizo la Jesu Kreste. Amen.

Na Mu lata, Na Mu lata
Kakuli U ni latile
Ni kuleka puluso yaka
Fa kota ya Kalvari.

²⁹⁴ Mwa Mu lata? Ha ni zibi haiba lwakona fela kukwala meto a luna, fa nako nyana. Cwale kuzwa mwa lipilu za luna, ni mazoho a luna ananuhezi mwahalimu.

Na Mu lata, Na Mu lata
Kakuli . . .

²⁹⁵ Lu amuhela kungongota kwa Hao, kakusasana cwana, Mulena. Mazoho aka a mwahalimu. Mazoho aluna kaufela ananuhile, Mulena.

Ni . . .

Cwale taha mwateni, Mulena Jesu. Taha mwa lipilu zaluna mi u ce ni luna, mi lu ka ca ni Wena.

Kota ya Kalvari!

²⁹⁶ Kana mwa Mu lata? Oh, Ni sepa kuli Ki yomunde hahulu! Mina bo? Kikuli ha mu utwi Kubateni kwa Hae ko ku sweli fela ku mi kubula? Ni ikutwa kuba wa bulapeli cwale, fela—fela ni ikutwa hande luli, sesiñwi ka zona.

Tumelo ya ka italima Wena,
Ngunyana ya Kalvari,
Mupulusi Yapahami;
U twa Na lapela,
Zwisa sibi saka kaufela,
O kuzwa kacenu
Ni be wa Hao kakutala!

²⁹⁷ Cwale Ni bata kuli mina, ha lu ñuñuna timana yetatama ya pina yende yee, pina ya kale ya keleke, Ni bata kuli muswalane mwa mazoho ni yomuñwi. Muine fela mwa sipula sa mina, mubulele fela kuli, “Mulimu aku fuyole, muzwale. Mulimu aku fuyole, kezeli. Ki tabo luli kuba ni mina mo!” Halu ezeni cwalo. [Muzwale Branham ukala ku ñuñuna *Tumelo Yaka Italima Wena*—Mu.] Mulimu aku fuyole, Carl, ki tabo fa kuba kwanu . . . ? . . .

²⁹⁸ Munahane fela, mazoho a Methodist a swala Mapentekota, ba Baptist ba swala ba Presbyterian.

O tuhela . . . kuzwa lizazi le
Ni be wa Hao kakutala!

²⁹⁹ Cwale halunze lu opela ka bunya cwale, hape, kuzwelela kwatasi a pilu ya hao. Mwa ziba, kasamulaho wa kusuluha, Liñusa le li omanya, Ni sepa kuli ki hande kukena mwa Moya ni kuopela, za munati wa Moya o Kenile.

³⁰⁰ “Oh ha ki bunde ni boo kuli mizwale ba pile hamoho mwa buñwi!” Bibebe ibulezi kuli, “Kuswana sina oli ya tozo yene li kwa mulelu wa Aruni, ye ne shetumuka kwa mungundo wa sapalo sa hae.” Mu sicaba sesinde kwanu. Ni sepa ku mi bona hape Jesu a si ka ni biza kale, kamba Mileniamu. Haiba ha Ni

mi boni, Ni ka mi bona mwabuse bwa nuka. Ni ka yo mi katana kwa nuka. Amen. Ki tumelelano.

Ha ni nze Ni pila,
 Ni maswabi ani beya mwahali,
 Wena Ube Muzamaisi waka;
 Fetula lififi kuba lizazi, (Ona Liseli nyana lani
 le ba bulela.)
 Zwisa maswabi a sabo,
 O kuzwa kacenu
 Ni be wa Hao kakutala!

³⁰¹ Sikwalo kaufela si kwaluhe! Oh, amu swale fela kunupo yenyinyani, ni ku ba talima inge ba ya mwa sikhenda; uli, “Taha kwanu, Mulena Jesu, ube Mulena ka, waka kaufela.”

O ku zwa kacenu (isiñi, U yeme fa munyako,)
 Ni be wa Hao kakutala!

³⁰² Mina baba nanuzi mazoho a mina mi mutabela ku etelelwanda hande ku Mulena, Ni mi kupa kuli muye kwaancafazo busihu boo. Mi Ni ziba hande kuli mulisana fani uka mi isa kuzwa mo kuya kwa malobalo. Una ni ma pence a silezi, kamba kaufela sa na filwe, kuli a tokomele, ni veine ni oli kuli a i sele mwateni. Wa kona kufeza musebezi.

³⁰³ Mulimu ami fuyole cwale. Ni ka kutiseza sebelezo, Na sepa, ku Muzwale Williams, kamba ki mañi kaufela . . .



MINYAKO MWA MUNYAKO LOZ65-0206
(Doors In Door)

Liñusa le ka Muzwale William Marrion Branham, neli katalizwe lwa pili mwa Sikuwa la Pelekelo kakusasana, Yowa 6, 1965, mwa mukushuko waba Full Gospel Business Men's Fellowship International ili fa Americana Hotel mwa Flagstaff, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org